

四庫全書

子部

欽定四庫全書

子部  
初學記卷八

詳校官中書臣金應琦

員外郎臣牛稔文覆勘

總校官檢討臣何思鈞

校對官修撰臣吳錫麟

謄錄監生臣李逢泰

欽定四庫全書

初學記卷七

唐 徐堅 撰

地部下

湖第一

叙事

廣雅云湖池也說文云湖大陂也風俗通云

湖都也流瀆四面所隈都也周官揚州其浸五湖案張

勃吳錄五湖者太湖之別名以其周行五百餘里故以

五湖為名

虞翻又云太湖有或說以太湖射貴湖上湖

五道別謂之五湖

洮湖

洮湖一名長塘湖在義興

漏

戶伯反

湖為五湖案國語吳越戰於

五湖直在笠澤一湖中戰耳則知或說非也揚州記曰

太湖一名震澤一名笠澤一名洞庭

史記三苗之國左洞庭右彭蠡

注云今太湖中包山有石穴其深洞無知其極者名洞庭洞庭對彭蠡則知此穴之名通乎洞庭彭蠡即官亭湖名也越絕書太湖週三萬六千頃在吳興 荆州記云宮亭即彭蠡澤也謂

之彭澤湖一名匯

後斯反 澤

在豫章郡

青草湖一名洞庭湖

荆州

記云因青草山為名洞庭庭亦謂之太湖在巴陵郡

雲夢澤一名巴丘湖凡此並

昭昭尤著又廣大也

居巢縣有巢湖揚泉湖吳郡有臨平湖女墳湖鄧縣有黃金湖山陰

有鏡湖迴踵湖蘭湖華湖魚湖山陰湖溧陽有長塘湖  
阜陵有麻湖建業有後湖一名玄武湖蔣陵湖高湖溱  
陽有招湖無錫有射貴湖尸湖小湖香湖乘湖猶湖招  
湖黥湖雍湖昆湖招湖即海鹽縣淪陷為也江東有滬  
湖郢城有赤湖蜀有白羊湖山陽郡有樊梁湖射陽湖  
津湖新安有白馬湖常熟有赤山湖夏祭湖丹陽湖張  
昭湖昭封婁侯又因名婁湖高平湖太傅湖太傅即謝  
安也著作簿湖劉高蠻湖侍中湖張侯湖葛塘湖倪塘  
湖庾氷湖東陽有徐湖永嘉有蔣公湖自婁已下謂皆  
獨擅一湖之利武昌有長湖琅邪有攝湖錢塘有明聖  
湖淮湖承湖承湖一名詔息湖京口有醴湖孟佐湖半  
揚湖龍目湖劫亭湖新豐湖吳興有欣湖武陵有丹坡  
湖始興有滄湖武原淪陷為雷湖又有洋湖錡湖梅湖  
荊州有大井湖高沙湖大漕湖馬骨湖支湖坡湖赤湖  
沔湖鄆縣有霽湖南康有平湖豫州有芍陂湖南越有  
石湖斬春有菜黃湖南阿有後湖王子年拾遺記負嶠

山有方湖東方朔神異經云宜州有溫湖北方有石湖其水恒冰

**事對青草**

**赤沙**

盛弘

之荆州記曰巴陵南有青草湖迴迴數百里日月出沒其中湖南有青草山因以為名鄴元注水經曰澧水經

南安縣又東與赤沙湖會湖水通江南注澧水也

**荆藪**

**揚浸**

劉澄之荆州記曰華容縣東南

有雲夢澤一名巴丘湖荆之藪也周禮曰揚州其浸曰五湖

**芍陂**

**笠澤**

劉澄之豫州記曰陵

縣北有芍陂湖魏將王陵與吳將張休交戰處張勃吳錄曰五湖者太湖之別名周行五百餘里故以名焉國

語曰戰於五湖此一湖中戰耳笠澤即太湖別名

**縣淪**

**城陷**

趙睦吳越春秋海鹽縣淪為招

湖徒居武原鄉故越地也干寶搜神記曰由拳縣秦時長水縣始皇時童謠曰城門有血城常陷沒為湖有姬

聞之朝朝往窺門將欲縛之姬言其故後門將以犬血塗門姬見血走去忽有大水欲沒縣主簿令幹入白令

令曰何忽作魚幹曰明  
府亦作魚遂淪為湖  
魚下  
龍升  
鄭緝之永嘉記曰  
懷化縣有蔣公湖

父老傳云先代有祭祀祈請者湖輒下大魚與之秦  
州記曰武都郡前有湖葭熙初有白龍於湖升尺者  
銅

船

金牛

劉欣期交州記曰有一湖去合流北四十里  
至陰日百姓焦捕見銅船出水上又有水牛

在湖之中劉道真錢塘記曰明聖湖在縣南父老相傳  
湖中有金牛古嘗有見其映寶雲泉照難流精神化莫

測遂以明  
聖為名  
分風  
起雨  
盛弘之荊州記曰官亭湖廟神  
甚有靈驗塗旅經過無不祈禱

能使湖中分風而帆  
平湖湖中船底浮在湖中動搖便起風雨  
秦憩  
范

游  
錢塘記曰去邑十里有詔息湖古老相傳昔秦始皇  
巡狩經塗暫憩因以詔息為名國語曰伍子胥諫吳

王與我爭五湖之利非越乎及  
越滅吳范蠡乃乘扁舟游五湖  
三山  
五渚  
劉澄之豫  
州記曰城

父縣有巢湖湖週五里湖中有三山湖南有四鼎山戰國策曰秦與荆戰大破之取洞庭五渚史記曰秦乘流

而下漢四日而至五渚  
**石函**  
**銅斗**  
裴駿注五渚在洞庭湖  
吳志曰孫皓時吳郡言臨平湖邊得

石函中有小石青白色剌上作皇帝字改元為天璽謝綽宋拾遺曰張永開立武湖古冢上得一銅斗有柄太

祖訪之朝士何承天曰此是新成斗王莽時王公亡皆賜之一在冢內一在冢外干時江左唯有甄郎為大司

徒俄而又得一斗復  
**白鵝**  
**赫鯉**  
有石書稱甄邯之墓  
劉澄之揚州記曰新

有湖湖中有白鵝一隻時飛來不可常見周景式廬山記曰山頂有一窮湖湖足賴鯉鬚皆傷刺而又有

故槁樽崇山峻遠非舟楫所游豈  
**龍目**  
**馬骨**  
深谷為陵此物不與之而遷乎  
劉楨京

龍目湖秦王東觀親見形勢云此有天子氣使褚衣徒鑿湖中長岡使斷因改名丹徒令水北注江也盛弘之



荊州記曰雲杜縣左右有大漚馬骨等湖夏水  
來則渺濬若海及冬涸則平林曠澤四眺煙日賣藥

**浮舟**

劉向列仙傳曰東方朔者楚人漢武帝時為郎後  
有見於會稽賣藥五湖徐州先賢傳曰勾踐滅吳

謂范蠡曰吾將與子分國而有之蠡曰君  
行令臣行意乃乘扁舟浮五湖終不返

**金銀塘珠**

**玉泉**

伏滔登故臺詩序曰夫差姑蘇臺東有丹湖萬頃  
內有金銀塘陸賈新語曰舜藏黃金於嶰巖之山

捐珠玉於五湖之路

**賦西晉楊泉五湖賦**

余觀夫主五湖  
而察其雲物皇

哉大矣以為名山大澤必有記頌之章故梁山有奕奕  
之詩雲夢有子虛之賦夫具區者揚州之澤藪也有大  
禹之遺迹疏川導滯之功而獨闕然未有翰墨之美余  
竊憤焉敢忘不才迷而賦之其辭曰濬矣大哉於此五  
湖乃天地之玄源陰陽之所但上屬斗牛之精與雲漢  
乎同模倣三方之灌溉為百川之巨都居揚州之大澤

苞吳越之具區南與長江分體東與巨海合流太陰之所  
莖立靈之所遊追潮水而往還通蓬萊與瀛洲云云

詩李顥涉湖

旋經義興境頓棹石蘭渚震澤為何在今  
惟太湖浦圓徑縈五百盼目渺無覩高天

森若岸長津雜如縷窈窕尋灣漪迢遞望巖嶼驚聽揚  
飛端浮霄薄懸岨輕禽翔雲漢游鱗憩中許點蕩天時

陰菟岩舟航舞憑河  
安可狗靜觀戒征旅  
劉刪汎宮亭湖

迴艫承沐水舉帆  
逐分風混濛疑無

際飄飄似度空橋烏排鳥路船影沒河宮孤石  
滄浪裏匡山苦霧中寄謝千金子安知萬里蓬  
陳陰鏗

度青草湖

洞庭春溜滿平湖錦帆張源水桃花色湘流  
杜若香穴去茅山近江連巫峽長帶天澄迥

碧映日動浮光行舟遲遠樹度鳥  
息危檣泊泊不可測一葦詎能航  
文隋盧思道祭灤湖文

維開皇元年十二月朔甲子其位姓名遣某官以清酌  
庶羞之醑敬祭灤湖之靈曰決滌澄湖南服之紀斜通

海甸旁帶江汜深過百仞潤踰九里彭蠡莫倚具區非  
擬揚越不庭多歷年祀王師薄伐六軍戾止戒期指日  
馬首欲東常陰作沴零雨其濛水氣朝合天雲夜同中  
之苦霧繼以嚴風塗泥已甚軌躅不通有稽天罰用沮  
元戎唯夫百神受職水靈為大皇王御宇率土無外當  
使日月貞明天地交泰雨師止其霖澀雲將卷其蔚蒼  
東渡戈船南聳鵬旆收尉佗之黃屋納孫皓之青蓋然  
後草車旋軫戎卒凱歌楚俘霧集真馬星羅無德不報  
有酒如河神之  
聽之斯言匪蹉

漢水第二叙漢楚水也周禮荊州其川江漢案水經注

及山海經注云漢水出隴坻道縣嶓冢山初名漾水東  
流至武都沮縣始為漢水東南至葭萌與羌水合至江

夏安陸縣名沔水故有漢沔之名即周昭王溺處也又東至音

陵合滄浪之水即屈原遇漁父之處又東過三澨水觸大别山南

流而入江庾仲雍漢水記曰漢水出廣漢漾水出嶧冢東流至武都而與漢水合沔水出武都沮縣

亦與漢水相合尚書稱嶧冢導漾東流為漢孔安國注云泉始出山為漾水東南

流為沔水至漢中東行為漢水又東為滄浪之水過三澨至于大别南

入于江東匯澤為彭蠡東為北江入于海是也匯迴也音胡賄

反言漢水合大江迴流入彭蠡澤東北至南徐州名為北江而入海 事對南紀 東流詩云

治沔江漢南國之紀東流見叙事 沈碑 潛壘鄴元注水經曰沔水東經萬山北出下有潭中

有杜元凱好向後名作兩碑並述已功一碑在岷山一碑沈此潭中曰千載之後何知不深谷為陵又蜀志少

府王謀等上言前襄陽男子張嘉王休獻玉  
璽璽潛漢水於深淵暉景燭曜璽光徹天  
遇兇截

蛟  
荆州記曰汚水隈潭極深先有蛟為害鄧邈為襄陽

太守拔劍入水蛟繞其足邈自揮劍截蛟  
數段流血丹水勇冠當時於後遂無蛟患  
近二別過

三澁  
左傳曰吳師伐郢楚子常濟漢而陣自小別至于大別杜釋地曰二別近漢之名過三澁見叙事

解珮  
弄珠  
韓詩曰鄭交甫過漢皋遇二女絳服珮兩珠交甫與之言曰願請子之珮二女解珮

與交甫而懷之去十步探之則亡矣迴顧二女亦不見  
張衡南都賦曰耕父揚光於清冷之泉游女弄珠於漢

鼻之曲鄰元注水經曰漢水東經萬  
山北出下水隈云漢女昔日遊處  
鱸湍  
龍泉  
注元

經漢水東經西城縣故城為醴湍洪波湑蓋崩浪雲積古者舊言有鱣魚奮鬣望濤直上至此曝腮因以名湍

馬又曰漢水經西城縣故城南又東為龍泉泉上有胡鼻山石類胡人鼻故也下臨龍井渚泉深數丈

碑

潭

鐘岸

碑潭見沈碑注孫巖宋書曰漢中城同縣漢水岸際有異聲如雷俄頃岸崩有銅鐘十二

出自潛壤體制既精扣之消響楚望荆川左傳曰江漢沮漳楚之望

川江漢其泛頽洪鯨灘鮫潭又東經鼈池而為鯨灘鮫潭見

上截鮫注夢神游女徐幹喜夢賦曰昔痲子與其交游於漢水之上其夜夢見神女毛詩曰南

有喬木不可休息漢沈玉亡劍左傳曰蔡昭侯為兩珮與兩乘以如楚獻

一珮一裘於昭王子常欲之弗與三年止之蔡侯歸及漢執玉而沈曰余所濟漢而南者有若大川酈元注水

經曰襄陽故城北枕汙水  
昔張公遇害亡劍於此

朝海

鬪江

尚書曰江漢朝  
宗于海水經自

汙與江合流東過彭蠡澤鄴元  
引鄭立云漢與江鬪轉東成澤

含珠

隱玉

盛弘之荆  
州記曰荆

蘊玉以潤其區漢含珠而清其域左思蜀都賦曰流漢  
湯湯驚浪雷奔望之天迴即之雲昏水物殊品鱗介異

族或藏蛟蜻  
或隱璧玉

配天漢

對月谷

配天漢見下蔡邕賦鄴  
元注水經曰漢水右對

月谷山有月坂有月  
川於其中黃壤沃衍

黃金水

白石灘

水經注曰漢水  
經大小黃金南

山有黃金峭水北對黃金谷有黃金戍又曰漢水又東  
經魏興郡之錫縣故城北為白石灘縣故春秋之錫穴

地也  
七軍沒

六師喪

魏志曰征南將軍曹仁守樊蜀闕  
羽攻樊時漢水溢于禁等七軍皆

沒紀年曰周昭王十九年天  
大噎雉兔皆震喪六師于漢  
賦後漢蔡邕漢津賦夫何  
大川

之浩浩兮洪流，崑崙以立清，配名位乎天漢兮，披厚土而載形，發源自乎嶠冢，引濊澧而東征，納湯谷之所吐兮，兼漢沔之殊名，總畎澮之羣液，演西土之陰精，過曼山以左迴兮，旋襄陽而南縈，切大別之東山兮，與江湘乎通靈，嘉清源之體勢，澹澹浚以安流，鱗甲育其萬類兮，蛟螭集以嬉遊，明珠胎于靈蚌兮，夜光潛乎玄洲，雜神實其充盈兮，豈魚龜之足收。

詩梁庾肩吾奉和汎舟漢水往萬山應

教

桂棹架棠船，飄揚橫大川，映巖沈水底，激浪起雲邊，迴岸高花發，春塘細草懸，陪歌承睿賞，接醴侍恩筵。

誰云李與郭，獨得似神仙。

李百藥渡漢水

東流既瀾灑，南紀信滔滔，水激沈碑岸，沈碑弄珠卑。

舍星映淺石，浮蓋下奔薺，溜閣霞光近，川長曉氣高，王

師渡漢水經襄陽

導漾疏源遠，歸海會流長，延波接荆

夢通望邇沮漳，高岸沈碑影，曲淑麗



珠光雲昏翠島沒水廣素濤揚閩川已多歡遊睇幾增  
傷臨漢猶駐馬望峴欲霏棠喬木下寒葉亭林落晚霜

山公不可遇  
誰與訪高陽

宋之問漢江宴

漢廣不分天舟移杳若仙  
林虹映晚日江鶴弄晴煙

積水浮冠蓋搖風送管絃  
嬉遊不可極留恨此山川

驪山湯第三事叙博物志云凡水源有石流黃其泉則温

或云神人所煖主療人疾辛氏三秦記云驪山湯舊說

以三牲祭乃得入可以去疾消病俗云秦始皇與神女

遊而忤其旨神女唾之則生瘡始皇怖謝神女為出温

泉而洗除後人因以為驗漢武帝故事云驪山湯初始

# 皇砌石起宇至漢武又加修飾焉

水經注云漁陽郡北有溫泉吳錄云始興

山出湯泉零陵縣出溫泉丹陽記云湯山出溫泉三所  
廷征記云東萊郡出溫泉臨川記云臨川縣出溫泉廬

山記云主簿山下出溫泉安成記云宜陽南鄉出溫泉  
梁州記云漢水南出溫泉荆州記云新陽縣出溫泉銀

山縣出溫泉未陽縣出溫泉潯陽記云難龍山下出溫  
泉始興記云靈泉源出溫泉幽明錄云艾縣輔山出溫

冷二泉博物志云不周雲川之水溫  
如湯凡諸溫泉咸能療疾遠近歸之  
**事對如沸** 若湯

周景式廬山記曰主簿山在胡郎廟南數里山下有溫  
泉穴口周圍一文許涌出如湯沸冬夏恒熱梁州記云

漢水南有溫泉周圍數千步冬夏常沸涌若湯  
其熱可熟雞子未至二十里便望見白氣衝天  
**爛鳥**

**遊魚** 郭緣生續述征記曰東萊郡有溫泉恒沸鳥墜輒  
爛始興記曰靈泉源有溫泉涌溜如沸時有細赤

魚出遊莫有獲者

**温谷**

**湯山**

温谷見下劉義恭詩張勃吳錄曰丹陽江乘縣有湯山出温泉

三所愈疾

**流穢**

素山松宜都山川記曰銀山縣有温泉注大溪夏纔煖冬則大熱上常有霧氣

百病久疾入此水多愈

**潮泉**

**神井**

張僧鑒浚陽記曰難龍山下湖中有

數十處累石若有人功水深尺餘朝夕輒有湧泉溢出如潮水時刻不差朔望尤大號為潮泉常如沸湯神

井見下張衡賦序

**蠲慝**

**攘寒**

蠲慝見下張衡賦中江乘地記曰縣東南四十里半湯泉半温

半冷共同一壑謂之半湯泉張勃云冷水夏濯可以清暑温水冬浴可以攘寒

**湯雞**

**淪卵**

常

華陽志曰斯夷入南山洞温水穴冬夏常熱其源可以湯雞豚下湯澡洗療宿疾王廙洛都賦曰雞頭温水魯

陽神泉不覺自沸熱若魚然爛毛淪卵煮絹濯鮮淪音藥

**痊痾**

**保性**

王廙洛都賦曰痿瘵痾痲病

浸之則痊功遺藥石熱著  
不言保性見下張衡賦中暄波灼水暄波見下劉義泰詩鄴元水經

注曰溫湯水出漁陽郡北山溫溪即溫源也瘠疾者不能涼以其過灼故也  
溫濤炎液曹植

迷行賦曰濯余身於神井偉溫濤之若楚炎液見下劉義泰詩分寒水會冰泉零陵縣記

云縣有溫泉泉中有伏石分流其陰清水常寒其陽溫泉湧沸飛霧如烟雪霜無以敗其熱劉義慶幽明錄曰

艾縣輔山有溫冷二泉發源相去數尺熱泉可煮雞豚冷泉常若冰雙流數丈而合俱會于一溪濯日

月飛煙霧濯日月見下張衡賦飛萃士女邁藥石

萃士女見下張衡賦賦後漢張衡溫泉賦余適驪山觀溫泉浴神井

邁藥石見上痊病注賦後漢張衡溫泉賦溫泉浴神井美洪澤之普施乃為賦云覽中域之珍怪兮無斯水之神靈控湯谷于瀛洲兮淮日月乎中營蔭高山之北延

處幽屏以間清於是殊方跋涉駿奔來臻士女晁其鱗  
萃紛雜運其如煙亂曰天地之德莫若生兮帝育蒸民  
懿厥成兮六氣淫錯有疾癘兮溫泉汨馬以流  
穢兮顯除苛慝服中正兮熙哉帝載保性命兮魏曹植

述行賦

尋曲路之南隅龍秦政之驪墳哀黔首之罹毒  
酷始皇之為君濯余身于神井偉溫濤之若焚

詩唐高宗過溫湯

溫者停仙蹕豐郊駐晚旌路曲迴輪  
影若虛傳漏聲暖溜驚湍駛寒空碧

霧經林黃疎葉下野白曙霜

明眺聽良無已煙霞斷續生

宋劉義恭溫泉

秦都壯溫  
谷漢京麗

湯泉炎德潛達  
液暄波起茲源

北齊劉逖浴溫湯

驪岫猶懷土新豐尚  
有家神井堪消癘溫

泉足蕩邪紫苔生石岸黃沫擁

越王貞奉和過溫湯

輦

騰宸駕驪籟次軌遊坎德疎溫液山隈派暖流寒氛空  
外擁蒸氣沼中浮林凋帷影散雲歛蓋陰收霜郊暢玄

覽參差

落景道 王德真奉和過温湯

握圖開萬寓屬聖啟千年  
驪阜疏緹騎驚鴻映彩旂

玉霜明鳳野金陣藻龍川祥烟聚危岫  
灼水溢飛泉停輿與睿覽還舉大風篇

揚思立奉和過

温湯

豐城觀漢迹温谷幸秦餘地接幽王壘流分鄭國  
渠風威肅文衛日彩鏡雕輿遠岫凝氛重寒叢樹

影疎迴瞻漢章  
關佳氣滿宸居

鄭義真奉和過温湯

洛川方佇蹕壺野  
暫停鑿湯泉恒獨

湧温谷豈知寒漏鼓依巖畔相風出樹端嶺烟  
遙聚草山月迥臨鞍日用誠多幸天文遂仰觀

序周庾

信温湯碑序

咸池浴日先膺綠甲之圖砥柱浮天始受  
玄夷之命仁則滌蕩埃氛義則激揚清濁

勇則負山餘力弱則鴻毛不勝仲春則榆莢同流三月  
則桃花共下其色變者流為五雲之叢其味美者結為  
三危之露煙青於銅浦色白於鈔溪非神鼎而長沸異  
龍池而獨湧洗胃滯腸興羸起瘠秦皇餘石仍為鴈齒

之階漢武舊陶即用魚鱗之瓦豈獨醴泉消  
疾開乎建武之朝神水竭病在乎咸康之世  
銘周王褒

温湯銘

抵此温谷驪立之陰白巖上徹丹砂下沈  
華清駐老飛流瑩心各神不死川德愈深

昆明池第四叙廣雅云沼池也說文云池者陂也從水

它聲風俗通云孫子有金城湯池之說後人因此開地

為池以養魚鼈按漢書及西京雜記昆明池漢武帝元

狩三年所穿也初漢欲求身毒國為昆明夷所閉昆明

有滇池方三百里名曰滇河漢將伐昆明以通身毒使

謫卒伐棘上林象滇河作昆明池以習水戰池週圍四

十里

漢武帝平昆明夷以其地為益州郡其滇水之源深廣末反淺狹有似倒流故曰滇河潘岳關中記曰

昆明漢武習水戰也中有靈沼神池云堯時理水訖停舟此池蓋堯時已有汚池漢代因而深廣耳曹毗志怪云漢武鑿昆明池極深悉是灰墨無復土舉朝不解以問東方朔朔曰臣愚不足以知之可試問西域胡人帝以朔不知難以移問至後漢明帝時外國道人入來洛陽時有憶方朔言者乃試以武帝時灰墨問之胡人云經云天地大劫將盡則劫燒此劫燒之餘乃知朔言有旨

池中有戈船樓船各數百

艘樓船上建樓櫓戈船上建戈矛四角悉垂幡旌旛葆

麾蓋照燭涯涘又作二石人東西相對以象牽牛織女

又刻石為鯨魚每雷雨魚常鳴吼鬣尾皆動漢代祭以



祈雨有驗至昭帝幼沖不復習戰於中養魚以給諸陵

祠餘付長安市魚乃賤

三秦記秦始皇作長池引渭水東西二百里南北二十里築土

為蓬萊山刻石為鯨魚長二百丈秦又有蘭池鎬池豐  
鎬有周天子璧池穆天子西征有玄池瑤池樂池與西  
王母宴所漢有建章宮太液池中築方丈瀛洲象海中  
神山春二月黃鵠下池中未央宮有滄池中築漸臺王  
莽死其上漢上林有池十五所承露池昆靈池池中有  
倒披蓮連錢荇浮浪根芰天泉池上有連樓閣道中有  
紫宮戟子池龍池魚池牟首池蒯池菌鶴池西陂池當  
路池東陂池太一池牛首池積草池中珊瑚高丈  
二尺一本三柯四百六十條尉佗所獻號曰烽火樹糜  
池舍利池百子池七月七日臨百子池作于闐樂樂畢  
以五色縷相羈謂為連暖東漢有九龍池御龍池靈芝  
池白石池躍龍池天泉池魏在鄴有淶水池瓊華池疏

圃池玄武池靈芝池在洛有天泉池池中築九華臺流  
杯池幽泉池陰流池鳴鶴池吳有太子池孫權子和築

至晉明帝呼為太子池西晉有舍利池都亭池靈芝池  
濛汜池張載作賦者潛靈池淥池東晉有清游池流杯

池宋有天泉池華林池有雙蓮同餘芙蓉異花並蒂  
射有酒池濟景公有昭華池後梁有靈泉池後魏有鴻

鴈池流化池後燕有清涼池前梁有閭豫池池有龍影  
五彩鑄銅龍於其上南燕有申池赫連勃勃有淶連池

大梁有蓬池襄陽有習氏魚池山簡所游者荆州有蔡  
子池臨沅縣有明月池益州有萬歲池天井池千秋池

雙龍池邛池洛州有干將  
池華曲池於潛有蛟龍池  
事對神池  
靈沼  
並見上  
敘事注  
開

地  
伐棘  
並見  
珠濱  
金堤  
滿岳關中記曰漢武習水  
戰作昆明池人釣魚綸絕

而去夢於帝求去其鈞明日帝戲於池見魚銜索帝取  
其鈞放之間三日復游池濱得珠一雙帝曰豈非昔魚

之報也張衡西京賦曰乃有昆明靈沼黑水玄  
湯周以金堤樹以柳杞豫章珍館揭焉中峙

虞泉

潘岳西征賦曰乃有昆明池乎其中湯湯潏潏  
漭漭漫漫浩若河漢日月麗天出入乎東西朝似湯

谷夕類虞泉昔豫章之名宇披玄流而  
特起儀景星於天漢列牛女以雙峙

已見上湯谷注中黑  
水已見上金堤注中

漢宇

堯舟

漢書曰漢武大修昆  
明池列館環之班固

西京賦曰集于豫章之宇臨於  
昆明之池堯舟見上叙事注

刻石

儀星

刻石見叙  
事儀星見

上虞泉注

名字

珍館

名字事已見上湯谷注中  
珍館事已見上金堤注中

習戰

肄

師習戰事見上珠濱注中魏志曰太祖還鄴作玄武池  
以肄舟師潘岳西征賦曰乃有昆明池乎其中伊茲

池之肇穿肄水師於  
荒服肄音異習也

錦繡陂

柳杞堤

班固西都賦曰  
集於豫章之館

臨乎昆明之池茂樹蔭蔚芳草被堤蘭茝發色眩眩  
猗猗若搗錦布繡燭輝乎其波柳杞堤見上金堤注象

滇

儀漢

漢書云漢求身毒國而為昆明所閉昆明國  
有滇河方三百里漢欲伐昆明象滇河鑿池

名曰昆明池其滇河水源深廣末反淺狹  
有似倒流故曰滇儀漢事見上虞泉注 豫章館劫

燒灰

豫章館見上金堤注  
劫燒灰見上叙事注

升采鱗

浮文鷁

班固典引  
曰擾縹文

皓質於郊升黃輝采鱗於沼司馬相如子虛  
賦曰急而後發游於清池浮文鷁揚旌棹 出入日月

吐納雲霧

張衡西京賦曰乃有昆明靈沼黑水玄津  
日月於是乎出入象扶桑與濛汜張載濛

汜池賦曰幽清滂集潛流獨注淡淡  
澧沛更來迭去仰承河漢吐納雲霧 詩唐太宗冬日臨

昆明池

石鯨分玉溜劫燼隱平沙柳影水無葉梅心凍  
有花寒莖凝朝霧霜天散夕霞歡情猶未極落

景邊  
西斜 周庾信和灵法師游昆明池 秋光麗曉天鷗舸泛  
中川密菱陣浴鳥高

荷沒釣船碎珠蒙斷菊殘絲繞  
折蓮落花催斗酒栖鳥送一絃 隋江總秋日昆明池 靈

蕭條望游人意緒多終南雲影落渭北雨聲過蟬噪金  
堤柳鶯飲石鯨波珠來昭似月織處寫成河此時臨水

歎非復 隋薛道衡秋遊昆明池 灞陵因靜退靈沼暫非  
採蓮歌 徊新船木蘭檝舊宇豫

章材荷心宜露泣竹徑重風來魚潛疑剌石沙暗似沈  
灰琴逢鶴欲舞酒遇菊初開羈心與秋興陶然寄一杯

隋虞茂賦昆明池一物得織女石 隔河圖列宿清漢象  
昭回支機就鯨石拂

鏡沈池灰船疑海槎渡珠似客 隋元行恭秋遊昆明池

星來所恨雙蛾歛逢秋遂不開  
旅客傷羈遠樽酒慰登臨池鯨隱舊石岸菊聚新金陣  
低雲色近行高鴈影深歌荷瀉圍露卧柳橫清陰衣共

秋風冷心學古反沈還  
似無人處幽蘭入雅琴  
李百藥和許侍郎游昆明池

神

望不極滄波接遠天  
儀星似河漢落景類  
虞泉年深平  
館宇道泰偃戈船  
差池下鳧鴈掩映生  
雲煙浪華開已

合風丈直且連稅  
馬金堤外橫舟石岸前  
羽觴傾綠蟻  
飛日落紅鮮積水浮深  
智明珠曜雅篇大鯨方  
遠繫沈

灰獨未然知君嘯  
倚侶短翮徒聯翩  
任希古和七月七日游昆明池

秋風始搖

落秋水正澄鮮  
飛摧牽牛渚激嘗鑊  
鯨川岸珠淪曉  
池灰欲曙煙泛槎分瀉  
漢儀星別構天雲光波  
處動日

影浪中縣鷺鴻結滿  
弋游鱗入壯筌  
萍葉疑江上菱花  
似鏡前長林代輕幄  
細草即芳筵  
文華開翠岱  
筆海控

清連不挹蘭樽  
聖空仰桂舟仙  
沈佺期和晦日幸昆明池

法駕乘春轉神池象

漢迴雙星遺舊石  
孤月隱殘灰  
戰鷗逢時去  
思魚望幸  
來岸花緹騎遠堤  
柳幔城開思逸  
橫汾唱歌流宴  
鎬杯

微臣彫朽質

羞覩豫章材

冰第五

叙

說文云冰水堅也韓詩云說冰者窮谷陰氣

所聚不洩則結而為伏陰易曰履霜堅冰陰始凝也詩

云二之日鑿冰冲冲三之日納于凌陰二之日夏之十

二月三之日夏之正月

周以十一月為正二之日當夏正月十二月也三之日當夏之正

月冲冲聲也凌陰冰室也十二月之時天地大寒水化

為冰鑿取堅冰至正月納藏於室之中人君春夏祭祀

及其常食卒有凶事則得以斂人臣無冰室其終卒君

錫之以冰故左傳云日在北陸而藏冰西陸朝覲而出之其藏冰也深山窮谷固陰沍寒於是乎取之其出之也朝之祿位賓客喪祭於是乎用之其藏之也黑牡秬黍以享司寒其出之也桃弧棘矢以除其災祭司寒而藏之獻羔而啟之火出而畢賦自命夫命婦至於老疾無不受冰夫冰以風壯而以風出其藏之也周其用之也徧則冬無愆陽夏無伏陰人不夭札是也風俗通云積冰曰凌冰壯曰凍冰流曰澌冰解曰泮事對象玉



**比珠**

曹植七忿曰素冰象玉難可磨蕩結土成龍遭雨則傷比珠見下顧凱之賦

**冬壯春**

**釋**

禮記曰孟冬之月冰始凍仲冬之月冰益壯地始圻淮南子曰夫水向冬則凝而為冰迎春則釋而為水

冰水易施

**六尺**

**百丈**

漢書鼂錯上書曰胡貉之地積陰之處木皮三寸冰厚六尺積

乎前後  
方朔神異經曰北方有冰萬里厚百丈巖巖在冰下土中焉其毛長八尺可為褥却風寒霜堅風

**壯**

並見

**水復**

**泉**

毛詩注曰冰盛水復則命取水於山林張衡思立賦曰行積冰之

醴清泉  
而不流

**北方鼠**

**東海蠶**

北方鼠見上  
百尺下王子年拾遺記曰東海負嶠山

有冰蠶長七寸有鱗角以霜雪覆之始為繭其色五絲織為文錦入水不濡投火不燎

**魚負鳥**

**覆**

易通卦驗曰大雪魚負冰鄭康成注曰負冰上近冰也毛詩曰誕真之寒冰鳥覆異之

**履霜**

積雪

履霜見叙事楚辭曰桂棹兮蘭棹斷冰兮積雪王逸注曰遭天盛寒斷斫冰凍紛然如雪言已勤苦

夕飲

朝食

莊子曰朝受命而夕飲水我其內熱歟謝靈運苦寒行曰樵蘇無風飲鑿冰煮朝食

悲矣采薇唱苦哉有餘酸

夏蟲疑

春魚上

莊子曰夏蟲不可以語於水者篤於時也曲士

不可以語於道者束於教也孫綽天台山賦曰西夏蟲之疑水整輕翮而思矯禮記曰立春之日東風解凍又

五日蟄蟲始振又五日魚上水風不解凍號令不行魚不上水兵甲不藏

河流漸

海結凌

薛瑩後漢書曰光武至薊上王郎使兵至上發薊晨夜馳驚至下曲陽滹沱河導吏還言河流漸無船不可渡

遣王霸往視實然霸念恐驚衆即還曰冰牢可渡比至冰可乘帝遂得渡滹沱河王隱晉書曰慕容晃上言正

月十二日躬征平郭遠假陛下天地之威將士竭命精誠感靈海為冰結凌行海中三百餘里臣問故老初無

海氷之歲 **闔廬室** **琅邪井** 趙絕書曰吳闔門外郭中家者

光和六年冬北海東萊琅邪井水厚丈餘 **后稷鳥** **王祥魚** 史記曰姜嫄為帝嚳元妃出野

見巨人跡畝然悅欲踐之踐而身動如孕期而生子以為不祥棄渠水上飛鳥以其翼覆薦之臧榮緒晉書王

祥字休徵後母朱氏思生魚于時河水氷堅祥朝朝冒厲風於涯伺魚一朝忽氷開小穴有雙鯉跳出 **夏**

**頌秋刷** **藏周用徧** 周禮曰祭祀供水鑑賓客供水大

主注曰暑氣盛王以氷頌賜則王為之刷清也秋涼氷不可用以清除其室也左傳曰夫氷以風壯而以風出

其藏之也周其用之也徧杜 **賦西晉庾儵氷井賦** 嘉陰

預注曰周密也徧及老疾也 博施兮美天道之廣宣萬物雜而無越兮不易類以相干或專陽負暑兮或固陰沍寒塗雖殊而同歸兮信協

德而俱延於是孟冬之月羣陰畢升霜雪紛其交淪兮  
流波結而成凌啟南塘之重隩兮將却熱以藏永山人  
是取縣人是承納幽宮之邃宇兮靜恬淡以清澗抱堅  
精之玄素兮發川靈而長凝於是寒往暑來四時代序  
帝將攘患炎炎是禦乃命有司啟彼潛戶寒風慘悴此  
馬清暑格炎靈之恣睢兮摧盛陽之暴怒弭和春之凄  
風兮遏溫夏之苦雨保百姓之艱難兮俾羣生之寧處  
及至股肱或虧卿士殞喪寧神扇暑肅厲清涼用處凶  
禮無失典常美厚德之  
兼愛兮乃惠存以及亡  
**東晉顧凱之永賦**  
連綿絡幕乍  
結乍無翁然  
靈化得漸已粗細白隨川方閩隨渠義剛有折照壺則  
虛託形超象比朗玄珠一綜理而常全經百合而彌切  
轉若驚電照若澄月積如累空泮若墮節  
臨堅投輕應變縷裂瓊碎星流精練清越  
**詩後梁沈君**  
**攸詠冰應教**  
日華照水彩灼爍自相明陰潭欲半解陽  
岸已全輕未釋苔文隱將銷草氣生稍得

觀魚上非獨見狐驚儻  
逢魏后街當驗可為城  
富嘉謩明冰篇北陸蒼茫河海凝南山闌干晝

夜冰素彩裁裁明月升深山窮谷不自見安知採斷備  
嘉薦陰房固互掩寒扇陽春二月朝始曠春光潭陀度  
千門明水時出御至尊彤庭赫赫九儀備胥玉煌煌千  
官事明冰畢賦周在位憶昨沙朔寒風漲崑崙長河水  
始壯漫汗陵崙積亭障邕邕鳴雁江上來禁苑池臺冰  
始開搖春涵綠映樓臺幽歌七月王風始明冰藏用照  
物軌四時不  
貳千萬祀

井第六轍釋名云井清也泉之清潔者也易傳云井通

也物所通用也禮記云井與門戶竈中雷為五祀世本

云伯益作井亦云黃帝見百物始穿井周書黃帝說文云

八家為井象構幹形

又墨子云二舍共一井

風俗通云井者法也

節也言法制居人令節其飲食無窮竭也久不涿涿為

井泥

易云井泥不食泥去聲

不停汚曰井涿

音淺易云井涿不食

涿井曰浚

井水清曰冽井

易云井冽寒泉

聚塲修井也

易云井甃无咎

有天井坎井

孫子兵法云地陷曰天井又云坎井之蛙不知江海之闊

火井雲井

異說

云臨邛縣有火井漢室之盛則赫熾桓靈之際火勢漸微諸葛孔明一窺而更盛至景曜元年人以燭投即滅

其年蜀井於魏洞冥記云長安東七萬里有雲山山頭有井雲從中出若土德王則黃雲出火德王則赤雲出

水德王則黑雲出金德王則白雲出木德王則青雲出

風井金井鹽井冰井

荆州記曰

風井夏則風出冬則風入又云益陽縣有金井數百古老傳有金人以杖撞地輒便成井意者疑是昔人採金謂之金井漢書云蜀多鹽井羅寢以

鹽井富後漢書琅邪有冰井厚丈餘浪井粉井雲母井瑞應圖曰王者清淨則浪井出廣志云臨邛有粉井得水汰粉則益光嵩高記云少室山有雲母井出雲母

藻井一名方井

風俗通云堂殿上作以象東井藻水草所以厭火魯靈光殿賦曰圓泉方井反

植荷

腐井甘井沸井軍井家井

楚辭云淹芳芷於腐井井腐臭也莊子云直木

先代甘泉先竭丹陽記云句容縣有沸井亦曰沸潭周禮曰享壺氏以令軍井事對金瓶 瑤

甕

古舞歌詩曰淮南王自言尊百尺高樓與天連後園鑿井銀作牀金瓶素纒汲寒漿瑤甕見下郭璞賦

玉檻 球欄

山海經曰海內崑崙墟在西北帝之下都高萬仞上有九井以玉為檻郭璞注曰檻

棚也王廩洛都賦曰玉井球欄  
巖若積霜正殿雙翼是曰兩堂  
玉羊 金鳥 韓詩外傳曰魯哀公

使人穿井三月不得泉得一玉羊哀公甚懼孔子曰閉  
水之精為玉上之精為羊此羊肝乃土爾哀公使人殺

羊其肝即土也劉敬叔異苑曰蘭陵昌慮縣郅城有華  
山山上有井有鳥巢其中金喙黑色而團翅此鳥見則

大水井又不可窺窺者不盈一歲輒死 綺欄 玉甃 魚 魏略曰明帝九  
龍殿前為玉井綺欄

玉甃見下 埴 堦 谷 鮒 莊子曰埴井之堦謂東海鼈曰  
江通賦 吾樂歟吾跳梁于井榦之上休

乎缺甃之涯埴井之樂亦至矣奚不來觀乎東海之  
鼈左足未入右膝已繫矣易曰井谷射鮒甃敝漏 無

禽 有魚 易曰井泥不食舊井無禽時舍也易災候曰  
井中有魚似蟲出流若雷井沸五色玄珠

八家 二舍 說文曰八家一井象構幹形甕象也墨子  
曰備城五十步一井屏周垣之高八尺又



曰二合  
共一井  
**桐生**  
**桃落**  
魏明帝猛虎行曰雙桐生空井枝  
葉自相加道泉浸其根立雲潤其

柯師曠問天老曰人家忌臘日澁生於堂上  
有血光一不祥井上種桃花落井中二不祥  
**投轄**  
**潛**

**鼎**  
漢書曰陳遵每大飲賓客滿堂輒閉門取客車轄投  
井中孔融告昌安縣教曰邑人高幼自言掘得井中

鼎夫鼎久潛于井德之休明雖小重也黃耳金  
鉉利貞之象國遭凶荒彝器出或者明以饗人  
**投壘**

**得鐘**  
張勃吳錄曰初漢黃門張讓等劫天子北至河上  
掌壘投井中及平頓洛陽城南甄宮有井五色氣

出孫堅命浚井得漢傳國璽臧崇結晉書曰晉王將即  
昨郭璞占國家徵得豫之睽案卦會稽郡當出鐘應在

人家井得之後會稽剡縣人陳  
清在井中得一鐘形製尤精也  
**負缶**  
**抱甕**  
劉向說苑曰衛有五

丈夫負缶入井灌韭終日一區鄧析過下車教曰為機  
重後輕前命曰桔槔終日既百區五丈夫曰吾聞師言

有機智之巧必有機智之心我不為也莊子曰子貢過漢陰一丈夫方為圃畦鑿隧而入井抱甕而出子貢曰有機於此日沒百畦圃者笑曰夫有機事必有機心吾羞不為也

### 老子廟

### 神農社

劉

慶幽明錄曰襄邑縣南潁鄉老子之舊鄉也有老子廟廟中有九井能潔齋入祠者水溫清隨人意念潁鄉記

曰老子廟中有九井汲一井餘井水皆動盛弘之荊州記曰隋郡北界有屬鄉村村南有重山山下有一穴父老相傳云神農所生林西有兩重澗內有週圍一頃二十畝地中有九井神農既育九井自穿又云汲一井則眾井水動即以此為神農社年常祠之庖犧生乎陳神農育乎楚考籍應園於是乎在

### 重華窟

### 漢祖厄

史記曰替腹使舜穿井與象共下石填井舜為匿穴傍出郭璞井賦曰怪季桓之穿背兮乃獲

羊於土缶重華窟而龍化兮子求鑿以忘醜載延之西征記曰板渚津津南原上有厄井父老云漢祖與楚戰

敗走逃此井追軍至見兩鳩從  
井中出故得免厄因名厄井

泥不食

甘先竭

井泥

不食舊井無禽時合也莊子曰孔子圍陳蔡  
太公往弔之曰子幾乎直木先伐甘泉先竭

賦西晉孫

楚賦

倚崇丘以鑿井兮臨斥澤之淫洿  
兮靡清流以自娛乃喟爾而有感兮率鄰左之數

夫脉厥土以興泉兮登甘醴於玄虛體象圓川下貫五  
仞幽泉騰涌津澤傍潤抱甕而汲不設機引絕彼淫飾

安此樸慎俗尚其華我篤其信既處澁而不緇  
又磨之而不磷雖矢之而無妄實游心於大順

東晉郭

璞賦

並作井龍登天鑿后土洞黃泉潛源洊臻  
涓幽溟圃滄澗洞深玄爾乃冠玉檻梵鱗錯鼓鹿

盧彈勁索飛輕裾之縵紛手爭驚而互擲長壘蛟蛇以  
曾縈兮瑤甕龍騰而灑激氣露集以杳冥兮聲雷駛而

東晉江道賦

惟大朴之既判兮聖應務以表靈演八  
卦以極川兮運五材以贊生錯丹暉於

金石兮引黃泉乎杳冥巽下火而鼎立兮木上水而井成於是大制既契物遵其微阡逵瓜分虛宅星列修家給之永用鑿堦庭而制穴穿重壤之十仞兮構玉甃之百節營之不日既汲既漑潛流始始寒泉冽冽舍七德以幾道兮盡東晉王彪之賦考五材之物化寂寞感而衆善而莫伐資靜水帶地而壤潤月流天而宵炯燧鑄木而發火益穿坤而構井摹立義之靈爰仰東甯之飛景步土脉測水泉方欄結鹿盧懸下沈瓶而互汲飛織綆而幽牽於是杳黃壚之遠鮮澗下之潔澄澗恬以清濟泓冷朗以寥戾協太陰以化液體上善以流惠詩梁范雲悲廢井因舊未嘗改緣甘故先竭歷稔久無禽一朝見開漑泌泉既斯涌短綆將焉設已獲又賦得詠井詩乃鑿長秋曲有浚丁氏利方見管公縲廣庭前卽源已為浪因方自成園兼冬積溫水疊暑梁湯僧濟漑井得金沁寒泉不甘應未竭既涸斷翔翔

釵

昔日倡家女摘花露井邊摘花還自插照井還白憐  
窺窺終不罷笑笑自成妍寶釵於此落從來非一年

翠羽成泥去金色尚如鮮  
此人今不在此物今空傳

後周宗懍麟趾殿詠新井

為

醴泉出先令浪井開銅  
新九龍殿石勝凌雲臺鄭翼過嚴君平古井

嚴平本高  
尚遠蹈古

人風賣卜成都市流名大漢中舊井改人世寒泉久不  
通年多既罷滌無禽乃遂空如何屬秋氣唯見落雙桐

蘇味道詠井

玲瓏映玉搵澄澈瀉瀉銀牀流聲集孔雀帶  
影出羶羊桐落秋蛙散桃舒春錦芳帝力

終何有機  
心庶此忘

頌宋孔寧子井頌

天高聽卑戴厚流謙揮鋒  
既擊跪拜亦霽惟益有作

德遠事兼明王  
用汲人具兩瞻

橋第七事釋名云橋水梁也爾雅云梁莫大於渙

反子役

梁郭璞注梁即橋也或曰梁石橋也石杠音江謂之倚音寄

亦石橋也廣志云獨木之橋曰榱音角亦曰杓音上杓音灼榱水音木

為渡約今謂之略約說文曰楚人謂橋為圮音夷凡橋有木梁石梁

舟梁謂浮橋即詩所謂造舟為梁者也造至也音七到反謂從舟至舟

相編為橋周文王造舟于渭秦公子鍼奔晉造舟于河在蒲坂夏

陽津今蒲津浮橋是其處秦都咸陽渭水貫都造渭橋及橫橋南渡

長樂宮漢作便橋以趨茂陵對便門作橋故亦謂之便門橋並跨渭以

木為梁漢又作霸橋以石為梁長安又有飲馬橋洛陽魏晉以前跨洛有浮橋

洛北高平津跨河有浮橋即杜預所建又有車馬橋鄂  
坂有黃橋吳有朱雀橋歷晉逮王敦反後改為乘雀橋  
又有枝橋羅落橋張侯橋張昭所造故名之又有赤欄  
橋白虎橋雞鳴橋蜀有七橋一冲里橋二市橋三江橋  
四萬里橋五夷里橋六竿橋七長升橋云李冰造上應  
七星又有鴈橋漢安橋廣一里半又有陰平橋升仙橋  
相如題者襄陽有木蘭橋一名豬蘭橋雀鼠谷有魯班  
橋上方有鬼橋陝城有鴨橋清河有呂母橋章安有赤  
蘭橋上虞有百官橋仇池有博山橋覆津橋鹿角橋泗  
水有石橋張良遇黃石公處也東海有石橋秦始皇造  
欲過海也後涼有通順橋在燉煌後燕  
有五丈橋此皆晉魏已前昭昭尤著也

### 事對造舟

鞭

石造舟事已見上叙事小齊地記曰秦始皇作石橋欲  
渡海觀日出處舊說始皇以銜台石石自行至今皆

東首隱軫似鞭  
捷飛勢似馳逐  
飛洛  
浮河  
成公綏洛襍賦曰飛橋浮  
濟造舟為梁春秋後傳曰

報王三十八年秦始作浮橋于河

**舉杯**

**受履**

王隱晉書曰杜預啟河橋于富平津衆論以為

殷周所都經聖賢而不作者必不可故也預曰造舟為梁則河橋之謂也遂作橋成上從百官臨會舉杯勸杜

預曰非君此橋不立也預曰非陛下之明臣亦不獲奉成聖制史記曰張良嘗遊下邳圯上有一老父衣褐至

良所直墮其履圯下顧謂良孺子下取履良因長跪授之父以足納履笑去作期來云孺子可教徐廣注曰圯

也橋**潜犀** **陷馬**常璩華陽國志曰蜀郡蒲江有七橋直西門即江曰冲里橋西南石牛門曰市

下石犀所潜泉也魏志曰景元四年伐蜀鍾會先命牙門將許儀在前理道會在後行而橋穿陷馬足於是斬

儀 **蒼蛟** **白獺** 祖台之志怪曰義興郡溪渚長橋下有蒼蛟吞噉人周處執劍橋側伺久之遇

出於是懸自橋上投下蛟背而刺蛟數劍流血滿溪自郡渚至太湖句浦乃死周處風土記曰陽羨縣前有大



橋下有獭將有兵動  
獭出穴口西向而嘍  
**河厲**  
**渙梁**  
葭國沙洲記曰吐谷  
渾於河上作橋謂之

河厲長一百五十步橋兩岸累石作階節節相次大  
材縱橫更相鎮壓爾雅云梁莫大於渙梁郭璞注云梁

即橋  
**萬里**  
**五丈**  
常璩華陽國志曰蜀郡大城南門曰  
江橋自江橋南渡曰萬里橋西上曰

夷橋從冲里橋西北逝曰長升橋崔鴻後燕錄曰慕容  
垂與劉牢之戰于五橋澤晉大敗車騎慕容德等引兵

要牢之五丈橋牢之馳馬跳  
**應星**  
**似虹**  
常璩華陽國  
志曰李冰造

七橋上應七星故光武謂吳漢曰安軍宜在七星橋間  
也周處風土記曰陽羨縣前有大橋南北七十二丈橋

中高起有似虹  
**牽牛**  
**飲馬**  
三輔黃圖曰秦始皇兼天  
下都咸陽宮營殿端門四

達以則紫宮渭水貫都以象天漢橫橋南渡以法牽牛  
三輔故事曰漢丞相夏侯嬰墓在飲馬橋東入道南今

俗人謂之馬冢也

張侯

呂母

山謙之丹陽記曰大長安道西張侯橋者本張子布宅處也郭

緣生述征記曰壽張縣梁山際清水呂母梁積石猶在

車馬

螭龍

華延俊洛陽記曰城西車馬橋去城十三里張

擊楹

折柱

環濟吳紀曰孫權赤烏八年夏有雷霆犯宮門柱又擊商津大橋楹魚豢魏略曰景初中洛陽城東

橋城西橋洛水浮橋三柱三折三柱三公象也時徭役大興三公垂頭隱匿故也

比龜鼉

浮

魚鼈

紀年曰周穆王三十七年東至于九江比龜鼈以為梁王充論衡曰高麗國侍婢有氣如雞子來吞

之有身生子名東明東明善射王恐其害國欲殺之東明走至淹水以弓擊水魚鼈浮為橋既渡魚鼈解散

張飛斷

吳漢鋸

蜀志曰先主為曹公所追張飛拒後據水斷橋無敢近者東觀漢記曰公

孫述大司馬田戎將兵下江開至南郡  
據浮橋於江水吳漢鋸絕橫橋大破之  
漢宣登晉惠

舍

漢書曰宣帝自甘泉宿池陽宮蠻夷君長侯王迎者  
數萬人夾道陳上登渭橋咸稱萬歲王隱晉書惠帝

太安二年九月丁丑上舍于河橋

尾生期

豫讓寢

抱朴子曰尾生與婦人期橋下水至

不去以至溺死雖有信不如無也樂資春秋後傳趙襄  
子遊於圃中至於梁馬却不肯進青筭為驂乘襄子曰  
進視梁下前類有人青筭進視梁下豫讓  
却寢佯為死人青筭云長者且有大事  
詩唐太宗賦

得浮橋

曲岸非千里橋斜異七星暫低蓬輦度還高  
浪驚水搖丈鷗動纜轉錦花縈遠近隨輪影輕

重應人行

梁庾肩吾石橋

秦王金作柱漢帝玉為梁  
仙人飛往易道士出歸難

後周王

褒和庾司水修渭橋

東流仰天漢南渡似牽牛長堤通  
甬道飛梁跨造舟使者開金堰太

守擁河流廣陵侯濟水荆峽望陽侯波生從故船沙漲  
涌新洲天星識辨對檢玉應沈鈞空悅浮雲賦非復採

蓮後周宗羈登渭橋仲山朝飲馬還坐渭橋中南瞻臨  
別館北望盡離宮四面衣裾合三

條冠蓋通蘭香想和季雲起憶周庾信在司水看修渭

成公圯上相知早雞鳴幸共同

橋大夫祭下位司職渭之陽高平移鑠柱甘泉蓮石梁  
跨虹連絕岸浮龜續斷航春舟鸚鵡色流水桃花香

星精進漢帝釣叟遇周王平隄石岸直張文琮賦橋造  
萬堰柳枝長羨言杜元凱河橋獨舉觴浮渭日鞭石表秦初呈文遙瀉漢虹勢尚凌虛已  
授文成履空題武騎書別有臨濠上棲偃獨觀魚

關第八事叙鄭玄注禮記曰闕境上門也月令章句云關

在境所以察出禦入也漢書云在天文兩河間有天關

星周禮司關掌國貨之節以聽關市故有關市之賦國

凶札則無門關之征

征亦賦也

案春秋之時騎境皆有關門

以察行李魯有六關

藏文仲廢六關是也

楚有昭關

伍子胥逃楚關吏拘之胥

以吞珠之事是也

秦地西有隴關東有函谷關臨晉關

今蒲津關所在

南有嶢關武關為關中

武關即秦詐楚之處

漢書云漢興都關中

置關都尉以察偽遊用傳出入

傳即今之過所也音張戀反下同

漢文

除關無用傳漢景復置用傳漢武時楊僕征南越有功

恥為關外人為徙函谷關於新安洛陽記云漢洛陽四

關東成臯關南伊闕關西函谷關北孟津關秦有榆中關在邊郡

漢有五門關陽關五原關蕭關在遼郡天井關在太行山居庸關在上谷江關在吳壺關在上黨橫浦關滄溪

關在越後漢有散關斜谷關在秦西南藍田關在秦南廣城關輟轅關旋門關鄂坂關在洛陽白水關在南鄭

爵離關在河西魏有潼關在函谷西金門關在函谷東蜀有陽安關晉有馬溺關在望都縣井陘關高梁關在

趙地延壽關在新城清泥關在秦西南太行關在上黨鴻上關在中山白馬關在沙洲銅關鐵關在吳蘭關在

盧氏縣衝關在蒲坂南東觀漢記曰馬耳關皇蘭關在遼郡王梁為中郎

將與景丹祭遵合擊蠻破之詔梁別北守天中關又曰隗囂將王元謂囂曰請以一丸泥為大王東封函谷關

此萬代周禮曰凡四方賓客叩關孟子曰關譏賓叩旅悅而不禁則天下之行旅皆悅而願出於

其路矣

**廢六**

**據兩**

左傳曰滅文仲不仁者三下展禽廢六關妾織蒲漢書曰孝武時霍去病

擊破匈奴左右地分置武威等四郡據兩關

**秦詐**

**漢徙**

燕周古史考曰秦君遺楚子書曰願

與君會武關面相結楚子往秦君詐令一將軍伏兵武關稱為秦王楚子至則閉關漢書曰武帝元鼎三年冬徙

函谷關於新安以故關為弘農縣

**飛牡**

**亡珠**

漢書曰函谷關成帝元延元年函谷關次門牡

自亡谷永對曰函谷拒山東之險關守國之固將去馬故牡飛吳越春秋曰伍子胥棄吳到昭關關吏欲執之

伍子胥曰上之所索者以我有美珠今我已亡之矣將告子取吞之關吏因舍焉

**楚塞**

**蜀門**

戰國策曰楚有汾陘之塞桓寬鹽鐵論曰楚自陘山設關以拒秦左思蜀都賦曰廓靈關以為門

**察禦**

**何留**

察禦見敘事漢書云厨傳勿舍關津何留何謂問是何人而停留之云何呵也

**石臺**

**銅嶺**

鄱元注水經曰居庸關山上有石臺三層蓋古關之候臺也董覽吳地記穹崇山東兩嶺相趨名曰

**銅嶺 白馬**

**青牛**

劉向七略曰公孫龍持白馬之論以度關關令內傳曰周元極元年歲在癸丑

冬十有二月二十五日老子度函谷關令尹喜先勅門吏曰若有老翁從東來乘青牛薄板車勿聽過關其

日果見老翁乘青牛車求度關授喜道德經五千言

**棄繻**

**解印**

漢書曰初終軍從濟南當詣博

士步入關關吏與軍繻棄而去范曄後漢書曰李固為廣漢駱令至白水關解印綬還漢中

**襄傳**

**封符**

張瑩漢南記曰郭丹絕跡棄軍纏節襄傳從武關出謁更始東觀漢記曰郭丹字少卿初之長安買

入關符已入封符乞人歎曰不乘使者車不出關矣

**白水**

**青泥**

劉澄之梁州記曰關地西南百

八十里有白水關昔李固解印綬處孫嚴宋書曰高祖北伐沈田子入武關也青泥姚泓反率大眾數萬奄至



青泥

春斗冬奎

太公金匱曰春三月斗星為天關戰

奎星為雞鳴

馬入

史記曰秦王囚孟嘗君遂變名姓

嘗君恐追至客有居下坐者能為雞鳴遂發傳出食項

武帝問朔是何獸也朔曰此王母乘靈光之輦以適東

王公之舍稅此馬於芝田臣之王公之壇因騎繞日三

關門猶未掩金城玉門關駟上地十三洲記曰金城

井關熾煌龍勒識異言禁遊宦禮記曰關執禁以讖

注讖呵察之也賈子曰關所襟帶咽喉擊析反拒李尤

以禁遊宦諸侯乃無得出馬函谷關銘曰函谷險要襟帶咽喉張衡西京賦曰關門

反拒漢得久長又東京賦曰函谷擊析於東西朝廷顛

覆而賦後漢李尤函谷關賦惟皇漢之休烈兮包八極

莫持惟唐典以極崇萬國喜而洞洽兮向天衢以流通襟要

約之險固兮制關鍵以擒弁其南則有蒼梧荔浦離水

謝沐淮浦零中以窮海陸於北則有蕭居天井壺口石

徑貫越代朔以臨胡庭緣邊邪指陽會玉門凌測龍堆

或置以西則有隨隴武夷白水江零汚漢阻曲路田山

泉奮水遠溢連落是經爰周覽以汎觀兮歷衆關以游

目惟夸闊之宏麗晉江統函谷關賦登彼函谷爰覽丘

兮嗟莫盛於函谷相承深壑累降脩嶺重升下杳冥而幽曖上穹崇而高

與帶以河洛重以峭阻經略封畿因固設險異服則呵

奇言必檢遏姦宄於未芽殿邪偽於萌漸及文仲之斯

廢乃違仁而受貶聖王制典蓋以防淫萬里順軌塲場

不侵撫四夷而守境豈恃阻於高岑彼桀紂以顛墜非

山河而不深顧晉平之愛險獲汝叔之忠箴鄙魏武之

墜志嘉吳起之弘心未代陵遲惡嬴氏之叛渙乃因茲  
而自增下凌上替山冢萃崩覽孟嘗之獲免賴博愛而  
多寵惟七國之西征仰斯阻而震恐豈隩險之難犯將  
犀帥之無勇咨漢祖之絕關又見敗於勃項尹喜爰處  
觀妙研精李老西徂五千遺聲張祿既入穰侯乃傾營  
陵之出稟築田生街鞅及商喪宗摧名終軍棄繻擁節  
飛榮觀浮偽於未

詩唐太宗入潼關

峭函稱地險襟帶壯而京霜峯直臨

道冰河曲繞城古木參差影寒猿斷續聲冠蓋往來合  
風塵朝夕驚高談先馬渡偽曉預雞鳴棄繻懷遠志封  
泥負壯情向有真

陳周弘正入武關

武關設地險遊客好遭迴將軍天上

落童子棄繻來揮江成雲雨車馬  
颺塵埃雞鳴不可信天曉莫先開  
隋虞茂入關絕句  
隴雲

低不散黃河咽復流關  
徐賢妃秋風函谷應詔  
秋風起函谷朔

氣動河山偃松千嶺上雜雨二陵間注雲愁  
廣隰落日慘重關此時飄紫氣應詔真人還  
來濟出玉

關絕句

飲饗遵龍漢街悽度玉關  
今日流沙外垂涕念生還

李行言秋晚度廢關

秦郊平舊險周德春遠黎始開清夜析俄見落封泥物  
色來無限津途去不迷空亭誰問馬關戍但鳴雞山月

寒彌淨河風曉更淒贈  
言楊伯起非復是關西

宋之問過函谷關

二百四十載  
海內何紛紛

六國兵同合七雄勢未分從成拒秦帝  
策決問蘇君難鳴將狗盜論德不論勳

揚齊哲過函谷

關

地險峭陵北途經分陝東遠迤泉石盡荒涼古塞空  
川光流曉日樹影散朝風聖德今無外何處是關中

箴後漢崔瑗關都尉箴

茫茫九州據為關津唐堯積德  
三代修仁越季不軌爰失厥人

聖賢不用頑嚚是親漢清武關項破函谷  
秦王子嬰像為禽僕尉臣司關敢告並報

初學記

初學記

三十

初學記卷七

欽定四庫全書

初學記卷八

唐 徐堅 撰

州郡部

總叙州郡第一事叙河圖括地象曰天有九道地有九州

天有九部八紀地有九州八柱崑崙之墟下洞含右赤

縣之州是為中則東南曰神州正南曰迎州次一曰州西南

曰戎州正西曰拾州中央曰冀州西北曰桂州一作州正

北曰玄州 亦曰官州 又曰齊州 東北曰咸州 一作薄州 正東曰陽州天

下九州內效中域以盡地化鄒子曰中國於天下八十

一分居其一分耳中國名赤縣赤縣內有九州禹之叙

九州是也不得為州數中國外如赤縣州者九謂之九

州有裨海環之如一區中者乃為一州如此者九乃有

大瀛海環其外天地之際焉河圖括地象曰崑崙東南

地方五千里名神州中有五山帝王居之尚書曰禹別

九州九州攸同 堯遭洪水使禹治之至舜即位分冀州為幽州并州分青州為營州始置十二



州禹受命復為九州殷湯受命因夏九州也河圖曰九州殊題水泉剛柔各異青徐角羽集寬舒遲人聲緩其泉酸以鹹荆揚角徵會氣漂輕人聲急其泉酸以苦梁州商徵接剛勇漂人聲奮其泉苦以辛兗豫宮徵合平靜有慮人聲端其泉甘以苦雍冀合商羽端駉烈人聲捷其泉辛以酸

輿地志曰至周成

王時周公作輔定官分職改禹九州以徐梁合之於青

雍分冀州之域為幽并二州大司徒之法五黨為州職

方氏掌天下之地辨九州之國保章氏掌天文以星土

辨九州之地所封之國皆有分星以視吉凶秦始皇并

天下分置三十六郡

三十六者三川河東南陽南郡九江鄆郡會稽潁川碭郡泗水薛郡

東郡琅邪齊郡上谷漁陽右北平遼西遼東代郡鉅鹿  
邯鄲上黨太原雲中九原雁門上郡隴西北地漢中巴  
郡蜀郡黔中長沙凡三十五與內史為三十六郡各領縣萬戶已上為令減

萬戶為長平百越又置四郡

閩中南海桂林象郡

合四十郡郡置

一守一丞兩尉以典之監侍御史掌監諸郡漢有天下

王侯郡國並置焉迄于平帝戶口繁息凡新置郡國六

十七與秦三十六合一百三改周雍州曰涼州復置夏

之徐梁二州而改梁曰益北置朔方南有交阯別置二

刺史凡十三部

涼益荆揚青豫兗徐幽并冀十一州交阯朔方二刺史合十三部刺史十三人

各掌一州續漢書郡國志曰光武中興命并省郡國明章和

至于順帝凡郡國一百五仍為十三部河南尹河東弘農京兆尹左馮

翊右扶風司隸校尉所部也潁川汝南梁國沛國陳國魯國豫州刺史所部也魏郡鉅鹿常山國中山國安平

國河間國清河國趙國渤海冀州刺史所部也陳留東郡東平國任城國太山濟北國山陽濟陰兗州刺史所

部也東海國琅邪國彭城國廣陵下邳國徐州刺史所部也濟南平原樂安國北海國東萊齊國青州刺史所

部也南陽南郡江夏零陵桂陽武陵長沙荊州刺史所部也九江丹陽廬江會稽吳郡豫章揚州刺史

所部也漢中巴郡廣漢蜀郡犍為牂牁越雋益州永昌廣漢屬國蜀郡屬國犍為屬國益州刺史所部也隴西

漢陽武都金城安定北地武威張掖酒泉燉煌張掖屬國居延屬國涼州刺史所部也上黨太原上郡西河五

原雲中定襄雁門朔方并州刺史所部也涿郡廣陽代郡上谷漁陽北平遼西遼東玄菟樂浪遼東屬國幽州

刺史所部也南海蒼梧鬱林合浦交阯九真日南交州刺史所部也縣邑道侯國千一百八十一戶六百六十

九萬八千六百三十一口四千九百一十五萬二百二十九至桓帝又置三郡高陽高涼博陵是也靈帝又置三

郡南安鄱陽廬陵是也括地志曰魏武輔正吳蜀三方鼎峙疆場

不定漢建安中置郡十二新興樂平西平新平洛陽陰平帶方譙郡樂陵章武南陽

襄陵是也又省上郡朔方五原文帝受禪又置七郡朝

雲中定襄漁陽廬江等七郡明帝置六郡平公孫度得遼西遼西

陽平弋陽魏興新城義陽安豐是也置上庸一郡少帝又置平陽一郡并得漢舊郡國五十四平

蜀得二十郡

劉備初置郡九巴東巴西梓潼江陽文山漢嘉朱提雲南涪陵并得漢僖巴郡廣漢

犍為牂牁越雋益州漢中永昌南安安武都是也

晉太康平吳之後天下一統

吳平

得州四交廣荆揚也郡四十三孫權置臨賀武昌朱崖新安廬陵五部孫亮又置臨川臨海衡陽湘東四郡孫休置天門建平建安合浦四郡孫浩置始安始興邵陵安成新昌武平九德吳興東陽桂林滎陽等十一郡因立宜陽一郡並漢十八郡合四十三郡

凡州十六

太康地記曰司冀兗豫荆揚徐青幽并雍涼梁

益交廣是也

晉自蕩陰敗後羌羯交侵至乎劉曜陷洛陽於

是司冀雍涼青并兗豫幽平秦營十二州並淪沒矣後

魏孝文帝都洛陽開拓土宇明帝熙平元年凡州四十

六鎮十二郡國二百八十九矣天平年凡州六十八至武定年凡州一百一十一郡五百一十九周明帝受魏禪至大象二年凡州二百一十一隋文帝受周禪至開皇三年罷天下郡其縣但隸州而已九年平陳以後四海一家大業三年罷州為郡四年大簿凡郡國一百八

十三唐貞觀十三年大簿凡州府三百五十八

雍華同宜岐隴

幽涇寧鄜州都督府坊延原都督府靈州都督府丹夏都督府銀孟勝州都督府綏慶家蒲虞汾絳秦晉隰慈呂石潞州都督府沁韓漳益州都督府忻朔蔚雲并州都督府其嵐懷相州都督府衛黎魏洛邢霸博冀德觀

深瀛滄定恒并幽易媯檀平明營州都督府遼師昌崇  
慎威號陝穀唐克陳穎徐州都督府滑泗熊豫亳密青  
濟濮萊齊州都督府治宋鄆許冀曹海沂洛州都督府  
鄭汴汝襄夔州都督府萬開隨硤蓮鳳忠渠通集興利  
溫復合鄧歸荊州都督府梁州都督府均靜金巴商洋  
淪房壁閬始梓資嘉陵果遂州都督府益州都督府綿  
大榮眉雅普翼茂州都督府簡向塗戎都督府瀘州都  
督府雋州都督府丹筆維徽穹郎協曲褒靡微姚髣州  
匡宗尹曾州樂鉤昆陽光斬中壽昌豪廬沔荆揚州都  
督府除楚和安州都督府黃秦州都督府成武渭蘭州  
都督府河鄯廓儒岷洮宕臺橋梁州都督府肅甘瓜沙  
尹芳文松州都督府扶居巖秦雅叢遠其生諸真都關  
出老懿河湊飛鍾副厰器調流迺率序淳軌州都督府  
漳津潼王彭祐我疊州都督府龍會潭州都督府賈江  
浩鄂郢潤施郎岳黔州都督府睦括常撫柳台饒虔衡  
永郡連婺道吉越州都督府洪州都督府袁杭宣湖蘇

欽辰至南夷應琰莊祥充播年恩高州都督府循建振  
昭韶廣州都督府羅崖州都督府繡辨端新春消寶邑

潮賀封梧蒙即龍桂州都督府廉賓藥泉欽橫貴藤象  
交州都督府儋雷峯融容愛龔州都督府澄鶯演白景

林義智驩州都督府儋崖州是也凡縣一千五百五十  
一至十四年西克高昌又置西州都護府及庭州并六

縣通前凡三  
依叙之為十道也事對九圍  
百郡

命式于九圍漢書  
八輔  
九州

九有  
十都

里為都十都為  
神州  
裨縣

縣有裨  
三輔  
六郡

海環之  
漢書曰京兆尹左馮翊右扶風為

三輔金城隴西天水安定北地上

河圖曰崑崙東南地方五千里神州史記曰中國赤

尚書曰以有九有之師爰草夏正注云九州也尚書大傳曰五里為邑十

張衡靈憲曰中州含靈外制八輔尚書曰禹別

毛詩曰帝



都為六郡

# 六輔三河

漢書章昭謂河東河南河內為三河兼三輔為六輔 殊題舍

類

河圖曰九州殊題水泉剛柔各異春秋說題辭曰州之言殊也言殊舍同類異其界也

## 涼邠

## 徐魯

漢書改雍州為涼州尚書曰海岱及淮惟徐州漢官解詁曰涼邠黑水徐魯惟沂

## 讚蕭子

## 顯齊書郡國志讚

郡國既建因州而部離過十三台不踰九分城列邑名號即阜遷移區併

代王  
代有

## 河南道第二叙河南道者禹貢豫徐青兗四州之域

尚書

曰荆河惟豫州濟河惟兗州海岱及淮惟徐州海岱惟青州案尚書兗州西北距河謂古九河也九河填塞今之河北博德倉棣等州即古兗州之地今為河北道矣漢書天文志曰房心為豫州虛危為青州奎婁胃為徐

州角亢氏為兗州之分野也

北距河東至海南及淮西至荆山盡其

地也河南府周地也風雨之所交也陰陽之和也日至

之景尺有五寸謂之地中昔周公營洛邑至平王居之

宋州宋地也

古豫州域

古商丘也闕伯之墟周封微子是為

宋也

漢書地理志云房心為豫州宋之分野

漢代梁孝王都之青州齊地

也古爽鳩氏之墟周封太公於營丘為齊也

今臨淄縣

兗州

魯地也

魯今曲阜縣也案漢書地理志云奎婁為魯屬古徐州

古少昊氏之墟周

公後為魯侯陳州陳地也

古豫州域

平王東遷鄭武公居之

今新鄭

其後韓哀侯滅鄭而居其地

韓貞子初都河北之平陽哀侯徙焉

東

自豫許略汝鄧面西得河南府之陽翟福昌新安盡韓

地也

案漢書地理志陳韓鄭並角亢氐之分野

汴州魏地也魏初居河北

魏絳

徙居安邑

惠王以安邑近秦乃徙都焉

今汴州大梁城是也

得河南滑

州之境分得韓之鄭豫等數州之東界屬於魏也

地理志云

魏背觚參之分野

事對帝臺

天室

山海經曰鼓鐘之山帝臺之所以觚百神也郭璞注

曰舉觚參會則於此山也今案其山在伊闕西南史記曰周武王曰我南望岳鄙粵瞻伊洛無遠天室營周居于洛邑而後去之

馬坂

龍門

戴延之西征記曰次前至黃馬坂去許素緒十里易乾鑿度曰

禹鑿龍門  
關伊闕  
邙阜  
洛川  
西山記邙阜  
曹植洛神賦曰容與乎陽林

流野乎  
八關  
四塞  
屬元注水經曰漢靈帝以何進為  
大將軍將五營士屯都亭置伊闕

函谷廣城大谷輓轅旋門平津孟津等八關都尉洛陽  
記曰左成皋右函谷前有伊闕後背孟津此四塞之固

輓轅  
邙阜  
關駟十三州志曰輓轅道凡十二曲也今  
案在緄氏縣東南左傳曰成王定鼎于邙

鄆  
九坂  
三川  
移天子傳曰天子西升九坂郭璞注今  
新安縣十里有九坂史記曰秦襄公初

以周地置  
金谷  
銅駝  
郭緣生述征記曰金谷谷也地  
有金水自太白源南流經此谷

注穀水華延苒洛陽記曰兩銅駝在宮之南  
街東西相向高九尺洛陽記謂之銅駝街  
三塗  
九

谷  
左傳曰四岳三塗九州之險杜預釋例曰三塗  
陸渾山名張衡東京賦曰灌龍芳林九谷八溪  
方湖

曲洛

鄜元注水經曰華林園景陽山北經方湖湖中  
趣御座石前建蓬萊山穆天子傳東遊于黃澤

宿于

梓澤

芝田

劉澄之宋永初山川記曰梓澤地名  
去王城二十四里曹植洛神賦曰甄

駕乎蘅皋秣駟乎  
芝田已上河南府

牛蘭

狐聚

鄜元注水經曰牛蘭水  
出魯陽縣北牛蘭山漢

書曰梁縣有  
憲狐之聚

黃陂

白水

水經注曰黃水積為黃陂入  
白水亭城西南已上汝州

虢國

虞城

漢書曰陝州虢國也又曰周封  
太伯後是為虞公謂之虞城

茅津

拍

谷

杜預云茅津在太陽縣西漢武故  
事曰帝微行至于柏谷已上陝州

石隄

金匱

水經注曰

石隄山下有祠過甲開山  
圓熊耳山有金匱石室

鳩里

鴻關

漢衛太子東走  
至湖藏金鳩里

水經注云漢闕亭東  
有鴻關已上虢州

北利

西平

十三州志曰北利城  
在上蔡崔鴻後燕書

西平縣 屬汝陰 龍泉 羊澗 後漢書曰平興泉有二龍馬十三州記曰武帝時有白羊出溪澗中

豫州 已上 西唐 南郭 後漢書曰高鳳隱西唐山周地圖 記曰後魏於南郭城中置南陽郡 裴

國 謝城 漢書云湖陽縣故裴國荆州 記曰棘縣有謝城已上唐州 胡國 陶丘 漢書

云汝陰縣故胡國晉書 汝墳 潁浸 毛詩曰汝墳道化 曰汝陰縣有陶丘鄉 行也周禮曰正南

曰荆州其浸潁 炎都 楚徙 帝王世紀神農初都陳漢 淇已上潁州 潁 帝云楚頃襄王東徙于陳

雞水 狐丘 水經注洧水南出謂之雞籠水 左傳楚侵陳克狐丘已上陳州 二潁 五

都 成公綏賦曰俯臨二潁魏略曰 方城 曲洧 左傳曰 以長安譙許昌鄴洛陽為五都 楚國方

城 以為城又曰諸侯伐 蕩渠 原圃 水經注曰陰溝出 鄭至于曲洧已上許州 陽武縣之蕩渠左

傳曰鄭有原圃  
猶秦之有具圃  
**踐土**  
鴻溝  
左傳云晉文公作王宮於踐土注云鄭地漢書曰於

榮陽下別河東南  
為鴻溝已上鄭州  
**逢澤**  
汴渠  
漢書曰逢澤在開封東北史記曰秦孝公使公

子會諸侯於逢澤西征  
記曰倉垣城南臨汴渠  
**羊湖**  
沙海  
述征記曰汴南董生引汴水自羊湖

戰國策曰梁君欲得九鼎謀於  
沙海之上為日久矣已上汴州  
**金隄**  
石濟  
漢書曰河

策號曰金隄遂征記曰  
河有一積石謂之石濟  
**蒲邑**  
桃城  
左傳曰齊侯衛侯

齊殖邑也續漢書云桃  
城在燕縣南已上滑州  
**譙國**  
瀨鄉  
晉書曰譙國魏明帝分置也瀨鄉記

云老子祀  
在瀨鄉  
**麥丘**  
桑邑  
桓譚新論曰齊桓公行見麥丘人水經注曰山桑邑俗謂之北

平城已  
上亳州  
**商丘**  
景亳  
左傳曰開伯居商丘又曰湯有景亳之盟  
**棘壁**  
桐門

漢書曰吳楚七國反先擊破梁棘壁  
左傳曰楚圍宋門于桐門已上宋州  
清水 梁山 記曰

鉅野縣有清水又梁  
山滌清水更屬岱宗  
無鹽 陽穀 漢書云無鹽縣近東  
平國左傳齊侯會于

陽穀已上鄭州  
荷澤 葵丘 尚書曰導荷澤被孟瀾左傳  
曰齊桓公會諸侯於葵丘 五丈

三酸 水經注曰荷水俗謂之五丈溝  
尚書曰湯遂伐三酸已上曹州  
穀林 瓠子 呂

春秋曰堯葬穀林漢書曰  
河決瓠子堤已上濮州  
秦亭 盧邑 左傳曰魯築亭  
於秦杜預注云

范縣西北有秦亭又曰高弱以  
盧叛杜預注曰盧齊高氏邑  
狼水 魚山 水經注曰  
狼水出大

鑑山狼溪西北流經穀城西漢書曰武帝瓠子歌曰吾  
山平兮鉅野溢注吾山即魚山也西征記魚山北臨河

已上濟州  
萊邑 蒲臺 水經注曰萊蕪縣昔齊景公滅萊  
人播北谷邑落荒蕪故云萊蕪三齊



略記曰海側有臺高八丈秦始皇於臺下縈蒲繫馬因名蒲臺  
**甲山** **籠水** 水經注曰萌水出于

甲山逖征記曰梁郟城西有籠水或云齊之孝婦涌泉發於宅內以籠覆水所以名曰籠水已上淄州 **濟**

**河** **洙泗** 尚書曰濟河惟兗州禮記曾子謂子夏曰吾與汝事夫子於洙泗之間 **鳧嶧**

**龜蒙** 毛詩曰建爾元子俾侯于魯保有鳧嶧遂荒徐宅又曰奄有龜蒙遂荒大東已上兗州 **石堰**

**金輿** 晏謨齊記曰石塞堰武帝時造遂征記曰朗公金輿山孤峯瓌秀竇神嶺也 **華泉**

**歷井** 左傳曰逢丑父使齊頃公下如華泉取飲績征記曰歷山有井無底與城西南涌泉相通已上齊州

**郟城** **費邑** 左傳曰郟黎來朝杜預注曰東海昌盧縣東北有郟城又曰費伯帥師城郎琅邪費

縣也後為 **大峴** **叟岡** 伍緝之從征記曰大峴直度山季氏邑 二十五里澗壑洞地崖坂峭曲

四岳三塗不是過也水經注曰小叟岡  
表海營丘左傳

曰吳季札聞歌齊之聲曰表東海者其太  
公乎史記曰武王封師尚父於齊營丘也天齊地鏡

漢書曰齊所以為齊者以天齊也蘇林注天中齊也顧  
野王輿述志曰宋文帝時青州城南地遠望倒影如水

謂之地鏡龍溝續述征記曰彭城水五溝到龍

已上青州龍溝溝五里張華博物志曰徐君宮

人生卯以為不祥棄之水濱有犬名鵠蒼銜卵以歸遂  
生兒為偃王後鵠蒼臨死生角而九尾實黃龍也葬之

徐里中見有西楚北陵漢書曰項羽自立為西楚霸王都彭城晉書太康地志有

狗壘存焉西楚北陵漢書曰項羽自立為西楚霸王都彭城晉書太康地志有

北陵縣屬下邳已上徐州郎閣濠梁西征記曰宿預城下邳之中

公也其水注泗有舊魚梁白樓朱矢侯治北征記曰

莊子遊於濠梁則此地也

都也中城呂布所守南臨白門樓博物志曰徐偃王欲行霸上國乃溝通陳蔡之間得朱弓形矢已上密州

龍臺

馬耳

三齊略記曰平昌門內有臺高六丈神龍出入于其中故名龍臺城水經注曰馬耳

山高百丈上有石並舉雙聳如馬耳

柴阜

焦原

齊地記柴阜榛棘森然故云柴阜原葬於其

東尸子曰莒有焦原者廣尋五十步臨百仞之溪莒國莫敢近者有羽士見於莒子獨却行齊踵已上登州

聖石

仙祠

齊記曰萊山之陰有大石其中有人出處云是古聖人從此而出漢書曰不其縣有

太一仙人祠九所

三山

九穴

漢書曰曲城縣有三山齊記云九目山有九穴已上萊州

呂

母固

田橫島

後漢王莽末有呂母者其子為縣宰所殺母散財以招少年共殺率而入海中

今案其固見存在東海縣北漢書曰高祖定天下田橫懼誅乃與從屬五百人入海居島中

仙士石

# 始皇碑

崔琰述征賦曰郁非山有仙士石室乃往觀  
馬見一道人王隱晉書曰海中去岸百五十

步有秦始皇碑潤五尺  
厚三尺八寸已上海州

## 箴揚雄豫州箴

郁郁荆河伊洛  
是經榮彼桑漆

惟用攸成田田相罕盧盧相距夏殷不都成周攸處豫  
野所居爰在鶉墟西隩咸宅寓內不如陪臣執命不慮

不圖毋曰我大莫或余敗無曰我強靡克余  
亡王艱為極實絕周祀收臣司豫敢告柱史

## 又青州箴

茫茫青州海岱是極監鐵之地鈞松怪石羣水攸歸萊  
夷作牧貢篚以時莫怠莫違昔在文武封呂於齊厥土

塗泥在丘之營五侯九伯是總是征馬殆其銜御失其  
度周室荒亂小白以靖諸侯僉服復尊京師小白既沒

周卒陵遲嗟茲天王附命  
又徐州箴  
海岱伊淮東海是  
下土收臣司青敢告執矩  
者豫州之士邑于

蕃宇大野既濬有羽有蒙孤桐蟠珠泗沂攸同降周任  
姜鎮于琅邪姜姓絕苗田氏攸都事起猶微不慮不圍

禍如丘山本在萌芽  
又兗州箴  
悠悠濟河兗州之禹九  
牧臣司徐敢告僕夫  
河既導雷夏攸處革縣

木條漆絲紵濟深既通降丘宅土成湯五徙卒都于  
毫盤庚北渡牧野是宅箕子歎歎故居為墟牧臣司兗

敢告  
執書

關內道第三叙關內道者禹貢雍州之域尚書曰黑水

案雍州自隴而西分為隴右道漢書  
天文志曰東井輿鬼為雍州分野  
東自同華略河而

北西自岐隴原會極于北垂盡其地也京兆府挾灃灃

據函崱班固西都賦曰左據函谷二  
崱之險又曰挾灃灃據隴首  
得百二方千里漢書

曰秦得百二蘇林曰言秦地險固以二萬人  
足當得諸侯百萬人河圖曰秦地方千里  
周都鄠鎬

秦都咸陽漢都長安今武功縣后稷所封也

史記后稷封於聚是

也 豳州昔公劉所居也華州古鄭國也

詩譜曰周宣王封其弟於咸林

是為鄭國 岐州秦德公初居之所也夏州赫連氏之都也事

對四塞

八川

漢書婁敬云關中被山帶河四塞之固相如上林賦曰蕩蕩乎八川澧瀉滂瀉

涇渭瀟瀟 神臯

福地

西京賦曰實惟奧區神臯適甲關山園曰驪山西有臯名風涼原雍州之

福地 金城

石柱

漢書關中金城十里三輔舊事曰石柱以南屬京兆北屬扶風 細柳

長楊

漢書曰周亞夫軍細柳漢宮名有長楊

温水

滄池

三秦記渭水橋西有温水又長

安記建章宮有太液滄池 雞頭

鶉首

雍州記雞頭山在鄠縣史記天賜秦穆公鶉首之地 漢

京

秦里

西都賦曰弘我以漢京又西京賦曰秦里其朔

丹水

黃山

山海經南山多

黃丹水出馬西京賦曰繞黃山而歎牛首已上京兆府

桃塞

栢原

左傳晉侯使詹嘉守桃林

之塞杜預曰今潼關是也水經注灌水於孤栢之原西流

蒲池

學市

水經注華山上靈泉名蒲

池高士傳云張楷隱華山學者從之成市已上華州

韓原

姚谷

古今地名云韓武子食采於韓

原後漢書云塹洛

分華

史記曰秦簡公塹洛蒲城縣東長城是也後漢書曰孝明

帝分華山都置武鄉郡已上同州

蒲谷

栢城

水經注曰蒲谷源出中郿縣又曰

豬水流

丹川

烏水

水經注曰蒲水南自洛川縣流入丹陽川又曰烏川水源出汾川縣

西北已

青牛

白帝

錄異傳曰秦文公伐雍州南山文梓樹有青牛走出灋水中史記秦

文公作廊時以祭白帝

漆水

桐池

水經注曰漆水出漆溪又曰桐池水東北流入三交水已

上岐

岐下

梁丘

史記曰古公亶父止於岐下水經注曰梁丘谷水西南注于涇

芹川

芮水

水經注曰宜祿縣北有芹川又曰芮水流入涇已上幽州

烏亭

昆瓌

漢烏氏縣

王莽改為烏亭宋初山川記曰安定昆戎舊壤也已上涇州

隴水

吳山

俗歌云隴

頭水地道記曰汧陽縣屬秦國吳山在西已上隴州

芹谷

柞亭

水經注曰芹谷水出羅川縣東

子午山續漢書曰汾陽縣有五柞亭已上寧州

兔川

雞水

水經注曰兔川西南流注洛水又曰

烏雞水出西流入洛已上慶州

藍山

那邑

十六國春秋云赫連定登于可藍山史記曰那戎邑

也已上白水

蒲川

水經注曰白水源出汾水嶺西又曰小蒲川水東南流入坊州已上



州郡

神泉障

龍尾溪

水經注云龍尾水出神泉障又有龍尾溪已上延州

淥蓮池

青鹽澤

十六國春秋云赫連勃勃田于三文至淥蓮池而還漢書曰朔方郡青鹽澤在南

典

農城

懷渾障

水經注云河水經農城又靈州

濛水

雞

山

水經注云朔方縣有濛水紫河請漢書曰將軍竇憲出雞鹿山已上勝州

詩晉摯虞雍州

詩

於皇先王經啟九有有州惟雍居京之右土載奧區山包神藪嘉生惟繁庶類伊阜悠悠州域有華有戎

外接皮服內含岐豐周餘既沒夷德未終莫不慕義易俗移風

箴揚雄雍州箴

黑水西河橫截

崑崙狎指閭闔畫為雍垠上侵積石下礙龍門安不忘危盛不諱衰牧臣司雍敢告綴衣

河東道第四事叙

河東道者禹貢冀州之域

爾雅曰兩河間為冀州

舜置十二州分冀州為幽州并州今河東道即并冀兩

州之地

漢書天文志曰畢昴為冀州營室東壁為并州

西南距河北盡朔垂悉

其地河東本堯之所都周成王封其弟叔虞其子燮是

為晉侯及三家分晉自蒲州略河東至懷州屬魏

懷州今屬

河北道

自澤潞而南至衛州盡太原府已北屬趙太原府

昔高辛氏子實沈及金天氏子臺駘之所居也又為唐

國帝堯為唐侯所都

鄭玄詩譜曰唐者帝堯舊都地後徙平陽

蒲州帝舜所

都

太康地記云舜都安邑是也

絳州晉獻公遷都之地事對堯墟

禹跡

鄭玄詩譜曰成王封母弟叔虞於克之故墟皇甫謐帝王世紀曰禹自安邑都晉陽曾孫帝相遷帝

丘子少康中興運乎  
舊都復禹之跡也

大夏

中都

春秋地名云晉太原一名太夏後魏書曰

中都屬太原郡

六名

五尉

春秋地名云晉太原六名其實一也晉太原郡

康地志并州部太原六郡又有護匈奴中郎左部右部中部南部北部五都尉

蒿垣

葦澤

春秋

後語曰張孟談謂趙襄子曰臣聞董安子之在晉陽公宮之垣皆荻蒿後魏書云石艾縣有葦澤

潛丘

渦水

爾雅曰晉有潛丘郭璞注云在太原晉陽縣水經注曰洞渦水出平樂縣西北

祁墓

介祠

後漢書云晉陽有祁奚墓又曰晉陽有介子推祠已上并州

涑水

滌山

水經注云

涑川水在桑泉縣界晉地道記曰雷首山一名滌山

白亭

虞坂

左傳曰公子重耳取曰衰杜預

注曰河東解縣有白亭戰國策曰騏驎駕  
鹽車上虞坂今案在安邑縣界已上蒲州 **玉壁** **天井**

後魏大統四年東道行臺王思政表築玉壁城今案  
在後山縣西水經注曰天井水經堯城西流入汾水 **棗**

**澗** **桐鄉** 水經注曰乾棗澗水北出入石人嶺下南流  
俗謂之扶蘇水漢書武帝將幸緄氏至左邑

桐鄉在聞喜縣 **千畝** **五城** 左傳曰晉穆侯以條之役  
界已上絳州 生太子命之曰仇其弟以

千畝之戰生命之曰成師後 **襄陵** **狐谷** 後漢襄陵屬  
魏書云晉州領五城郡是也 河東郡水經

注曰平河水出晉陽縣西壺 **漳川** **冀浸** 周禮曰冀州  
口山東經狐谷亭已上晉州 其川曰漳鄭

玄注云出長安十三州志 **赤壤** **黃山** 上黨記曰高平  
曰潞水出潞縣冀州之浸 赤壤其地阻險

百姓不居後魏與陶風土記曰 **舜澤** **晉山** 墨子曰舜  
黃山在壺關縣東已上潞州 漁于雷澤

在蘆澤縣西後魏輿圖風土記云司馬孟門午臺傳左  
山在晉城縣北晉代祠此山因以為名

曰齊侯伐晉入孟門登太行十三州記曰太行山或曰  
孟門蓋其險阨水經注曰午臺亭在晉城縣界已上澤

州石室

鐵騎

後魏輿圖風土記曰太原郡山有石室  
方丈四壁大字篆書人不能識十六國

春秋曰石勒當生之時北  
山上草木變為鐵騎形

青谷

黃巖

水經注曰清水  
源出武鄉縣西

名青谷水又曰黃品水源出  
遠山縣西黃岡下已上宜州

漚澤 汾關

呂氏春秋曰  
大昭又名漚

澤水經注曰鶴雀津汾關名也  
介休之西南俗謂之雀鼠谷

八門

六壁

十六國春秋云劉元

海造將攻西河城築營自固有八門城高九尺後魏書  
曰太武帝討北敵于六壁城有六面固以為名已上汾

州紫川

黃谷

水經注曰紫川水源出隰川縣東北黃壚谷已上  
也黃壚水出隰川縣東北黃壚谷已上

隰夏屋

仙都

史記曰趙襄子北登夏屋山名水經注曰晉永嘉中厲

門百姓避亂入五臺山見仙人為之先驅因而三會  
反尋訪莫知所在俗人以是山為仙都已上代州

九原

水經注曰三會水東流入潯池水在定襄縣  
又云三會水出九原縣西其山經九原城靈

丘聖阜

後魏書曰天平二年置恒州寄居秀容縣城  
領靈丘等八縣水經注曰潯池水東流聖人

阜北阜下有水泉側石上有手  
跡西又有二脚跡已上忻州

葦州

梅嶺

十三州記曰代郡故

城盧植說初置築時方就板幹夜自移西南五十里大  
澤中自設結葦為九門於是就以為城周旋七里今案

在飛狐縣界土地記曰函地  
東州四十八里有梅嶺焉

萊水

笄山

周禮曰萊州  
萊水鄭玄注

萊水出廣昌史記趙襄子神為代王夫人襄子殺代王  
邊興兵平代地其神聞之泣而呼天磨笄自殺代人滿

之號所死山為唐筭山今  
案在飛狐縣界已上蔚州如渾水  
紇真山水經注曰

經方山又曰紇真山夏積  
雪鳥雀死者一日千數  
熒臺 火井水經注云火山

故名熒臺又曰火山  
上有火井已上嵐州壺山 風穴漢書曰壺口山在北

屋縣故城西十里有風山其山有穴  
如輪風氣蕭瑟常不止已上朔州 永石 單于晉太

記曰西河國惠帝末陷於劉元海至石勒時置永石郡  
後魏改為離石郡十六國春秋云離石單于所徙之庭

已上 賦後漢班叔皮冀州賦夫何事於冀州聊託公以

人之所娛望常山之峩峩登北岳而高遊建封壇於  
岱宗瘞玄玉於此丘徧五岳與四瀆觀滄海以周流 箴

揚雄并州箴雍別朔方河水悠悠北辟獠驚南界涇流

周穆遊征犬戎不享爰豹伊德侵陵上國宣王命將攘之涇北宗幽周識日用爽蹉既不俎豆又不干戈天戎作亂契于驪阿太上曜德其次曜兵德冀州箴洋洋冀兵俱顛靡不悴荒牧臣司并敢告執綱冀州箴洋洋冀大陸岳陽是都島夷皮服潺湲河流夾以碣石三后攸降列為侯伯降周之秦趙魏是宅冀州靡沸泣法如湯更盛更哀載從載衡漢興定制改列藩王論魏盧毓冀治不忘亂安不遭危牧臣司冀敢告在茲

州論

冀州天下之上國也尚書何平叔鄧玄茂謂其土產無珍人生質朴上古以來無應仁賢之例冀徐

雍豫諸州也盧釋曰除黃帝已前未可備聞略言唐虞已來冀州乃聖賢之淵藪帝王之寶地東河以上西河以東南河以北易水以南膏壤千里天地之所會陰陽之所交所謂神州也

河北道第五叙  
河北道者禹貢冀州之域舜置十二州



分冀州為幽州并州分青州為營州而幽冀營等三州

及兗州之北界今並為河北道

漢書天文志曰畢昴為冀州尾箕為幽州分野

南距河東至海北盡幽營悉其地河北本殷之舊都

在衛

州周滅殷分其甸內為三國邶鄘衛是也至衛懿公為

狄所滅其地屬晉趙韓魏三家分晉而懷屬魏

漢書地理志云

魏分晉得河內即今懷州也

自衛相洛趙貝冀北盡恒山東至海其

地屬趙幽平已北東至海屬燕洺州邯鄲為趙國

史記趙敬

侯所

相州為鄴魏武帝後趙石季龍前燕慕容皝自薊

徙北齊文宣帝並都之

幽州曰燕召公之所封也 滄州前燕慕容皝都之 事對

分晉

接燕

漢書曰趙分晉有信都鉅鹿清河盧毓冀州論曰冀州北接燕代

南宮

北部

漢書曰南宮縣屬信都國許慎說文曰冀州北部以月朝作食為贖祭已上冀州

三臺

九殿

陸翽鄴中記曰魏武於鄴城西北立三臺中臺名銅雀臺南名金獸臺北名水井臺又曰石季龍自

襄國至鄴二百里輒立一宮宮有一夫人侍婢數十 凡季龍所起內外大小殿九臺觀行宮四十四所 紫

陌

赤橋

水經注曰滏陽縣有紫陌浮圖十里造生墓於此鄴中記曰鄴城東七里有赤橋之宮已

上相

軹縣

苑鄉

史記曰秦昭襄伐魏取軹縣水經注曰丹水經苑鄉之城

平津

陸阜

晉陽秋曰造河橋於富平津即河陽津也水經注曰陸真阜南有皇母馬鳴二泉東南合注于吳陂

已上  
懷州商墟 虞險 史記曰成王伐管叔以殷餘人封康叔為衛若居故商墟也北征道理簿

曰隴頭城故虞國之險湛  
水流其後清水流其前  
蘇嶺 錫盆 十道志曰蘇門山一名蘇嶺

登所隱處也又曰錫盆水一名盆泉源出縣西北  
三十里寧屈似盆其味如醴因以為名已上衛州雞澤

狗山 左傳襄公三年六月會單頃公及諸侯同盟于雞澤水經注曰狗山頂上有狗跡今在臨洛縣

西塘泉 研塚 水經注曰洛水東北流經廣平縣故城東水積於大澤之中為登泉南北四十

里東西二十里亦謂之黃塘泉鄴中記曰邯鄲城西南十里子岡上有冢如研子形俗謂之研子塚已上洛州

斥丘 平邑 續漢書曰斥丘縣屬魏郡竹書曰晉烈沙公四年趙城平邑今在昌樂縣東北

鹿石臺 左傳云沙鹿崩杜預注云晉地也元城東南有沙鹿山鄴善長水經注曰武陽縣城有一

石臺大城門外又有故臺  
號曰武陽臺已上魏州

蓼水

蕪亭

水經注曰蓼水出襄國漢書曰

襄國有蕪人亭

百巖

千步

洛州記曰龍岡縣西北有百巖山水經注曰洛水一名漳水俗名千

步已上

栢亭

槐水

水經注曰洛水東經栢楊亭今按栢楊亭故城在房子縣西又曰槐

水出黃石山今在元氏縣界

石柱

珪碑

水經注曰平房城南門夾道有兩石柱翼路若闕焉

又曰漢明帝北迴詔高邑於光武即位所建石壇立珪頭碑已上趙州

善陸

清河

漢書

漢清河郡王莽曰善陸晉地道記曰清河國凡領清河等六縣

胥陸

甘泉

漢書東陽縣屬清河

郡王莽曰胥陸十二州志曰歷城本周之甘泉西地已上真州

重丘

浮水

左傳曰諸侯同盟於

重丘今在聊城縣東南水經注云浮水出聊城東北泛則津注耗則輟流

堂邑

靈城

漢高祖封

陳嬰為堂邑侯又曰靈城屬清河郡已上博州

**胥國**

**宛鄉**

漢武帝封河間獻王子讓為胥侯水

經注云浮水東北經高城縣之宛鄉城今在鹽城縣界

**千童**

**百薄**

應劭注漢書曰千童縣靈

帝改曰饒安水經注滴河東北經富平故城北分為二水南水為長聚溝東注海北水為百薄溝東北注海已

上滄州

**馬頰河**

**龍額縣**

爾雅云九河名有馬頰上廣下狹狀如馬頰漢平原郡領龍額

縣 **管輅塚**

**曼倩祠**

魏志平原縣有管輅塚漢書安德縣有東方朔祠已上德州

**新**

**館輿亭**

漢武帝封中山靖王子未央為新館侯續漢書北新縣東二十里有樊輿亭

**樊城**

**栢國**

漢書曰武帝封中山靖王子為樊輿侯故城在清苑縣東南又曰武帝時趙歇肅王子然吉為

栢陵侯今清克縣南有侯國故城已上瀛州

**仙巖**

**天井**

晉太康地記曰行唐縣西北有仙人

巖水經注曰派  
水歷天井澤南  
**馬觀**  
**鴻關**  
水經注曰黑水東北有漢

臺戲馬之觀又曰定水東流歷山俗謂是  
處為戲頭即晉書所謂鴻上關已上定州  
**輪井**  
**核山**

水經注曰行唐城有大井若輪水沸  
騰不測又曰派水北流經大核山  
**夫城**  
**女廟**  
晉太

記云行唐縣北二十里有如夫城水經注曰行唐城內  
北門東側有五女神廟廟前碑云趙武靈王營斯邑城

彌載不立聖女發數百堵  
皆與不日而就已上恒州  
**寧臺**  
**厯室**  
史記曰燕昭王

祭於寧臺戰國策曰樂毅與燕惠王書曰大  
呂陳於元英故鼎反於厯室今並薊州界  
**仲理金**

**雍伯壁**  
神仙傳曰仲理居無終山中合神丹作黃金五  
千斤以救百姓搜神記曰揚雍伯汲水作義漿

有一人就飲以石遺之伯雍種蓬生白  
璧其處地可一頃名曰玉田已上幽州  
**桑谷**  
**芻溪**  
水

注曰三城水經伏陵山南與石門水合有桑谷之名蓋沿出桑溪故也又曰鮑丘水東南流龍鬲溪水注之

三城

七渡

水經注曰鮑丘水南流合三城水又曰水經漁陽故城南合七渡水已上澶州阪

泉

轡野

史記曰軒轅及炎帝戰於阪泉之野周書曰蚩尤逐二帝爭涿鹿之野赤帝大懼乃謀黃

帝執蚩尤殺之于中冀名之曰絕轡野

覆釜

裂溝

後魏輿圖風土記曰潘城西北三里有歷

山形似覆釜因以為名水經注曰傳言昔時地裂遂成溝壑有水俗謂之分家水今之懷戎縣東北有地裂已

上揚州

劍石

刀巖

水經注曰徐州東北經郎山西眾崖竟舉若鳥翅立石巖巖似劍又曰漆

水南經藏刀山層巖壁立直上千霄

窮魚丘

巨馬水

竹書曰晉荀瑶伐中山窮魚之丘水

經注曰巨馬即漆水已上易州

素河

黃洛

水經注曰素河水出今皮縣藍山南合新河又曰黃

洛水出盧龍山玄水藍山水經注曰玄水出肥如縣北玄漢後魏與團風土記曰盧縣西三十

九里有藍山長谷平川十六國春秋曰馮跋弟弘為亂而跋驚死弘莫之長谷陵

水經注曰高平川狼河龍苑魏氏土地記曰狼河附黃龍城東北下十六國

春秋云慕容熙光始三年築龍騰苑起景雲臺已上營州歲揚雄幽州歲蕩蕩平川惟冀之別

伊昔唐虞實為平陸周末存跡迫于獯鬻六國擅權燕趙本都東限穢弱爰及東胡強秦北排蒙公城疆大漢

初定介狄之荒元戎屢征如風之騰義兵涉漠擾我邊

器漏鐵芒牧臣既定且康復古虞唐盛不可圖哀不可忘隄潰蟻穴

隴右道第六事叙隴右道者禹貢雍州之域雍州自岐隴已北為關內



道自隴而南并得禹貢  
梁州之北地為隴右道  
自隴而西盡其地也秦州有秦

亭秦之先非子為周孝王養馬於汧渭之間孝王封之

附庸邑于秦也涼州漢武威郡故匈奴休屠王地也前

涼張軌後涼呂光北京沮渠蒙遜並都之甘州漢張掖

郡故匈奴昆耶王地也西秦乞伏乾歸都之子熾盤徙

都于河州肅州漢酒泉郡前涼張軌西涼李暠北京沮

渠蒙遜並都之西州漢車師國之高昌壁也  
昔漢武遣兵西討師

旅頓弊其中尤困者因住焉其地  
形高敞人物昌盛因名高昌也  
事對天水  
神泉  
漢書

曰天水郡武帝時置水經注  
曰渭州東南與神泉合也

**黑城**

**朱圉**

水經注曰黑  
水出黑城北

西南經黑城西抵渭川水經注尚書  
西傾朱圉烏鼠至于大華已上秦州

**艾亭**

**荆谷**

漢書曰騎

都尉居密艾亭水經注曰荆  
頭川水荆谷北流注渭川

**雞聚**

**馬溪**

漢書曰襄武  
縣有五雞聚

水經注曰渭水東南流經首陽縣南  
左則天馬溪水參差翼注已上渭州

**百頃**

**四山**

三秦  
記曰

仇池山號百頃上有百頃池壁立百仞一人守道萬夫  
莫向沈約宋書曰楊盛襲位分四山氏羌為二十部已

上成 **馬氏** **狼種**

應劭注漢書曰武都郡故白馬羌氏  
也漢書曰參狼種武都羌是也已上

武臨 **洮** **望曲**

漢書曰臨洮縣屬隴西郡水經注曰洮  
水東流經甘泉亭歷望曲已上岷州

**洮水** **墊江**

沙州記曰洮水出強臺山又曰山東積石  
即洮水源山南即墊江源已上洮州

銷銅

尚書曰導河積石水經注曰離水北經銷銅城西

榆城

麻壘

水經注曰離水

東北經榆城溪水注之秦州記曰抱罕城西有麻壘壘中可容萬衆已上河州

鷲崖

鹿塞

仇

記曰武興城下有鷲子崖十三州記曰鹿塞在蒼松縣南十里是也

龜觀

鳥城

十六國春秋曰

前涼張玄靜時右將軍宋熙請取天龜觀壞以為宅西河記曰姑臧匈奴故曰蓋藏城也城不方有頭尾兩翅

名蓋鳥城已上涼州

柳谷

蘭池

習鑿蓋漢晉春秋曰大柳谷夜激波滿溢其聲如雷王隱晉書

曰蘭池縣屬隴西郡

合黎

臨澤

尚書曰導弱水至于合黎十三州記曰昭武蘇有臨澤亭在其

東已上

狄道

夷鎮

漢書曰狄道縣屬隴西郡周地圖

夷城鎮防羌要路已上蘭州

漆水

金泉

張華博物志曰延壽縣南山石泉注為溝其水有脂

挹取若著器中正黑如不凝膏然之極明但不可食此方人謂之石漆應劭漢官儀曰酒泉城下有金泉味若

酒泉

肥水

漢書曰酒泉郡武帝太初元年開博物志曰酒泉延壽縣南有山泉其水有脂

如煮肉汁

白土川

卑禾海

水經注曰白土川水出白土城城西北下十三州志

曰臨羌縣西有卑

雞谷

龍城

水經注曰湟水東流雞谷水北流注之又曰湟

水出塞外經藍池北又東南經龍夷城已上鄯川

効穀

宜禾

漢書曰効穀縣屬燉煌郡晉太

庫地記曰宜禾

龍堆

魚澤

漢書曰燉煌正西關外有白龍堆于三州志曰効穀

縣故魚澤障

地膏腴

田沃衍

後漢書曰順帝時以伊吾舊膏腴地傍近西域

舊今閩設屯田置伊吾司馬一人西河

天山

帝江

漢書

曰使貳師將軍出酒泉擊左賢王於天山山海經曰天山多金玉有神鳥狀如黃囊赤如丹火六足四翼渾無

面目是識歌舞寶

惟帝江已上伊州

**車師國**

**田地縣**

漢書曰車師前王國居交河城地輿

志曰晉咸和二年置

**交河城**

**高昌壁**

漢書曰交河城有交河水分流

高昌郡立田地縣

繞城下十三州志曰高昌壁故屬燉煌有長谷在東都尉居之已上西州

**歌後魏温子昇涼**

**州樂歌**

遠遊咸武郡遙望姑臧城車馬相交錯歌吹日縱橫

**又歌曰**

路出玉門關城接龍城坂

但事絃歌樂誰道山川遠箴揚雄涼州箴

黑水西河橫屬崑崙崙崙指閩闔盡為雍垠每在季王

常失厥緒上帝不寧命漢作涼隴山以徂列為西荒南排勁越北啟強胡井連屬國一護彼都

**山南道第七轍**

叙

**山南道者禹貢荆梁二州之域**

尚書曰荆及衡

陽惟荊州華陽黑水惟梁州今業荊州之南界屬江南道東界入淮南道梁州自劍閣而南為劍南道其北垂又入隴右道漢書天文志曰翼軫為荊州分野

北距荆華二山之陽絕漢水而南至江西距劍閣盡其地也荊州楚文王始都之褒州

古褒國也是為媯墟

江陵記曰楚文王始自丹陽徙都於郢今州北南城是也水經注曰

漢水東經媯墟在金牛縣界皇甫謐國都城記曰褒國故城在縣東二百步襄州禹貢荊豫

二州之界鄧州後漢之南都也光武起馬事對南荆

西楚

周禮曰正南曰荊州史記曰自淮北沛陳汝南南郡為西楚

雲澤

景洲

春秋文耀

鈞曰大別以東至雲澤九江衡山荊州今業即雲夢澤也吳志曰魏將夏侯尚圍南郡作浮橋度量景洲今在

江陵縣界  
已上荆州

**南峴**

**北津**

荆州記曰襄陽本楚之下邑桓溪帶其西峴山亘其南習鑿齒

襄陽記曰襄城  
木楚國之北津

**習池**

**葛井**

襄陽記曰峴山南八百步西下道百步有習家魚池

荆州記曰諸葛亮宅有井深四丈餘  
口廣一尺五寸累埽如砌已上襄州

**厲鄉**

**春邑**

左傳曰楚

伐徐齊師伐厲以救之杜預注曰隨縣北有厲鄉漢書曰元帝以春陵卑濕割蔡陽之白水二鄉為春陵侯邑

**隨國**

**唐鄉**

左傳曰鬬伯比言於楚子曰漢東之國隨為大杜預注曰隨國今義陽隨縣也又曰

晉楚戰于邲唐侯為左拒杜預注曰唐屬楚小國義陽安昌縣東南上唐鄉是也已上隨州

**馬水**

**鼉湖**

南雍州記曰龍居縣南有馬水荆州記曰沔陽縣東二十里有鼉湖已上復州

**獸牙狼**

**尾**

宜都山川記曰獸牙山有石壁其文黃赤色有牙齒形勾將山記曰縣去山四十里別從狼尾灘下南崖

巴上 **黃龍** **白帝** 荆州記曰峽之首北岸曰白鹽峯中黃龍灘水沿沂所忌水經注曰白帝

山北接緣馬嶺 **九坂** **三溪** 荆州記曰寒山九坂最為峭險又曰三溪水南流數

里南注大江 **明月峽** **縉雲山** 華陽國志曰巴郡江州有明月峽首南峯石壁

有圓孔形如明月因以為名 **涪陵** **陽關** 漢書

曰巴郡領涪陵縣晉太康地記曰李雄亂復於陽關 **龍**

更置墊江縣亦屬巴郡案今州即古巴郡已上渝州 **龍**

**蹊** **牛道** 道家雜記曰張魯女曾浣衣於山下有白霧

腹婢依其言破得龍子一雙遂入漢水女殯於山頂龍

子後教遊母墓前遂成蹊徑十三州志曰秦王未知蜀

道乃刺石牛五頭置金於尾下言此天牛能糞金 **讓水**

蜀人信之乃令五丁共引牛成道今在褒城縣界 **讓水**



廉川

梁州記曰梁西南十里有讓水水經注曰廉水出巴嶺山北流廉川今在南鄭縣界已上梁州

駱谷龍亭

水經注曰駱谷水源出駱谷南流梁州記曰龍亭縣屬儵城郡已上洋州黃花

川紫栢坂

水經注曰大散水西流入黃花川華陽國志曰梁泉縣東八十里有紫栢坂已上鳳

州武關文邑

史記曰秦昭王遣楚懷王書曰願與君會武關面約結盟今在商洛縣東水經

注曰洛水東北過文邑在洛南縣已上商州

金水

錫城

漢水記曰金水郡領金岡縣本金城

郡後魏改之梁州記曰後魏華陽金城二郡為忠城郡領鄉亭錫城金川三縣

虞舜祠

漢

高廟

水經注曰西城縣故城內有虞舜祠梁州記曰洵陽縣南山下有漢高帝廟已上金州

梅溪

棘水

南雍州記曰南陽縣七里有梅溪水經注曰棘水經新野縣歷黃郵聚

五壘

六

門周地圖記曰五壘山有五梁漢延相接曰六門堰西三里擁湍邵信臣所作也已上鄧州熊川

龍井

南荆州記曰豐利郡領豐利熊川陽川三縣水經注曰漢水又東為龍潭下臨龍井渚已壘均州

景山

粉水

山海經曰荆山之首曰景山其上多金五水經注曰粉水導東流經上粉縣

鴈

塞狼山

荆州圖副記曰鴈浮山鴈塞也水經注曰夷水導源狼山已上房州

鳴水泉

街

後魏書曰落叢郡武鳴水二縣屬東益州水經注曰泉街水出河池東南入沮縣已上興州

金溪

銅水

梁州記曰益昌縣東山西北有金銅溪溪出金固以為名益州記曰葭萌縣南十里有刀鑿山

赤銅水出焉已上利州

銅梁

石戶

左思蜀都賦曰外負銅梁名渠益州記曰龍盤山南有石

長三十丈高五丈當中有一戶及扉若人掩閉古老以為玉女房已上合州歌梁宋史荆州樂

歌

章華遊獵去絕邱從禽歸  
浴浴紫煙合鬱鬱紅塵飛

又歌

朝發江津路暮宿靈  
溪道平階廣且直長

楊鬱

歲揚雄荊州箴

香香巫山在荆之陽江漢朝宗其  
流湯湯夏君遭鴻荆衡是調雲夢

塗泥苞匭著茅金玉砥礪象齒元龜貢籩百物世世以  
競戰戰慄慄至桀荒溢曰在帝位若有天日不順庶國

孰敢余奪亦有成湯果秉其鉞放之南巢號之以桀南  
巢茫茫多楚與荆風慄以悍氣銳以剛有道後服無道

先強世雖安平無敢逸  
豫牧臣司荆敢告執御

劍南道第八

叙

劍南道者禹貢梁州之域梁州自劍閣

而南分為益州是為劍南道

梁州劍閣之東而分屬山  
南隴右二道漢書天文志

曰庸觸參為  
益州分野

其始王則有蠶叢杜宇

揚雄蜀本紀曰蜀  
始王曰蠶叢次曰

伯雍次曰魚鳧十三州志  
曰蜀王杜宇自號望帝

後其地屬秦前漢末公孫述

居之後漢末劉備居之事對蠶叢

杜宇

並見  
敘事

石鏡

銅梁

蜀本紀曰武都人有女蜀王納以為妃疾卒葬於成都作石鏡一枚以表其墓左思蜀都賦曰外負

銅梁宕渠內函要害膏腴已上益州

銀水

金山

華陽國志曰涪陵有屏山水其源有金鑛益州

記曰金山東臨瀾水先照映川已上綿州

飛梁

絕澗

華陽國志曰諸葛亮相蜀鑿石架空為飛

梁閣道即古劍閣道也益州記曰姜維抗鍾會故壘其山峭壁千丈下臨絕澗已上劍州

南池

西

水

益州記曰南池在閬中縣市南八里又西水縣本秦閬中縣之地已上閬州

鄣道

射洪

蜀志曰姜維等聞諸葛瞻破乃引軍由廣漢鄣道以審虛實水經注曰涪江水又東南至射洪今在射洪縣界

已上  
梓州龍鶴山  
魚地水  
華陽國志曰丹陽縣西北十五里有龍鶴山益州記曰魚地水

東北自陵州界入青  
神縣界已上眉州  
隅山  
陵井  
益州記曰東隅西隅南隅三山相對又曰

三隅山去陵井  
一里已上陵州  
金堂水  
銅宮山  
華陽國志曰新都縣有金堂山水通於巴

漢益州記曰五城縣西南六十里  
有銅宮山高出衆峯已上簡州  
昆井  
郵溪  
益州記曰南充

縣西南六十里有昆井鹽井又曰雞郵神在相如縣  
東次北下步有雞郵溪因此而為之名已上果州  
錦

山  
綿水  
華陽國志曰合江北有綾錦山水經注曰綿水至江陽縣方山下入江謂之綿口已上瀘

州  
印水  
鄧山  
山海經曰峽山印水出焉其陽多黃金漢書云文帝賜鄧通印道銅山得擅鑄

錢已上  
雅州  
温穴  
曲池  
華陽國志曰温穴冬夏常熱應劭注漢書云蕪初縣西北有泥池

業今曲池是也  
已上雋州

伏犀灘

騰龍水

益州記曰伏犀灘東南六十里有黃魚像岸今

在楚道縣界又曰龍騰溪

水源出南溪縣已上戎州

箴揚雄益州箴曰梁州華陽

西極黑水南流秦作無道三方潰叛誼兵征暴遂國于漢拓開疆宇恢梁之野列為十二光羨虞夏牧臣司梁

是職是圖經營盛衰敢告士夫

淮南道第九轍淮南道者禹貢揚州之域又得荊州之

東界

尚書曰淮海惟揚州今案揚州之東偏為江南道南偏為嶺南道又漢書天文志曰牽牛婺女為揚

州分野

自淮以南略江而西盡其地也今揚州漢廣陵郡

更名江都吳王濞居之廣陵厲王江都易王並居之廬

州古廬子國烈王都之南巢之地

尚書曰成湯放桀于南巢

壽州楚

考烈王都之事對南究

東陽

輿地志曰南究州宋文帝元嘉八年始割江淮

開為境居於廣陵又曰廣陵郡楚漢之際為東陽郡

釣臺

興浦

西征記曰雷陂有臺高二丈南

究州記曰以為吳王漢之釣臺也南究州記曰興浦朝夕恒淤濁一朝清澈太守范邈表以為瑞已上揚州

射陂

鹽瀆

漢書曰廣陵王相勝之奏奪王射陂草田賦與貧人又云鹽瀆屬臨淮郡已上楚州

豐浦

苞湖

水經注曰江水北合烏江縣之豐浦上通湖池又曰次得陰塘水同受皇后湖湖水

連接包湖西翼潭湖

橫津

洞浦

吳志曰孫策經畧江東揚州刺史劉繇遣將樊熊于糜屯橫津

策蜂破之魏志曰魏使曹休張遼伐吳出洞口  
鄱元注水經曰江上左對洞口江浦已上和州

鵲南亭

馬丘聚

水經注曰鵲甫溪水西北流經鵲甫亭南禹

聚秦墟

帝王紀曰禹會塗山揚州之域當塗縣有禹

州廬國

舒城

應劭注漢書曰廬江郡故廬子

桐鄉

巢邑

漢書曰朱邑為桐鄉嗇夫廉平有恩惠病且死囑

疆城巢輿地志曰楚

趙屯城

周瑜廟

水經注曰破虜

內有倉又曰江水對雷州之

羊頭澗

龍泉陂

水經注曰肥水

左合羊頭溪水受芍陂謂之羊頭澗伏滔

鼓川

吳志曰吳使孫緜大發卒屯鑊里水

洞臺

隱室

黃庭



曰霍山下有洞臺方二百里有二門其中有五香芝  
飛華之實水經注曰八公山有隱室石井已上壽州翻

車

積布

史記曰九江王英布於翻車水北以築翻車  
城水經注曰江水又東經積布山南俗謂之

磯積布

黃石

青林

水經注曰江之右岸有黃石山江水  
經由其北即黃石之磯又曰江水左

得青林口水積為湖謂  
之青林湖已上蘄州

蓼縣

蔣城

左傳曰楚公子變  
滅蓼杜預注曰安

也杜預注曰弋陽期思縣蔣鄉城是也  
豐有蓼縣又曰蔣邢茅胙荅周公之盾

弦子都 虞丘

郭

左傳曰楚人伐弦弦奔黃十三州志曰戰城故弦子  
都也水經注曰弋陽郡東有虞丘郭南有伍子胥廟

並光

石城

天井

水經注曰師水經石城山甚高峻  
又曰義陽郡南十五步對門有天井

周百

九塞

三關

淮南子曰何謂九塞太汾滎阮荆阮  
方城散阪井陘今鹿向注居庸也齊

志曰後魏置平靖關於義陽故云義  
陽有三關之塞此其一焉已上申州  
**楚邑** **新城**漢水

自漢口入二百里得涓口有村入三百里得鄭城楚邑  
也輿地志曰安陸縣東有新城桓溫征石季龍所築南

臨涓水已  
上安州 **龜頭山** **龍驤水** 水經注曰舉水出龜頭山  
又江之左岸會龍驤水口

**沌陽鎮** **象山城** 水經注曰晉永嘉六年王敦以陶侃  
為荊州鎮於沌陽輿地志曰臨江數

十里象山上有城吳江夏  
太守所居也已上沔州 **箴揚雄揚州箴** 矯矯揚州江  
漢之潯彭蠡

既都陽鳥攸處橘柚羽貝瑤琨篠簜闔越北垠沅湘攸  
往太伯遜位基吳紹類夫差一誤太伯無祚周室不匡

勾踐入朝當周之興越裳重譯春秋之末侯甸畔逆元  
首不可不思股肱不可不慈堯崇屨省舜盛欽謨牧臣

司揚敢  
告執籌

江南道第十叙江南道者禹貢揚州之域又得荊州之

南界

揚州自江已北為淮南道自嶺而南為嶺南道

北距江東際海南至嶺盡

其地也蘇州為吳泰伯之墟

地理志曰吳地斗之分野

泰伯卒仲雍

立傳國至曾孫周章武王克殷因而封之也越州為越

夏少康封少子無餘以奉禹祠

地理志曰越地章牛婺女之分野

潤州

春秋之朱方江寧縣楚之金陵邑也吳晉宋齊梁陳六

代都之事對東府

西州

山譙之丹陽記曰東府城地則晉簡文為會稽王時第東

則丞相會稽王道子府道子嶺揚州故俗稱東府又  
日揚州解王敦所創開東南西三門俗謂之西州 孫

# 陵 蔣廟

井陽記曰蔣陵因山以為名吳大帝陵也輿地志曰臺常孫陵曲衍之傍故蔣陵亭亦名

孫陵亭丹陽記曰蔣子文為秣陵尉自言已將死當為神後為賊所殺故吏忽見子文乘白馬如平生孫權發

使封子文而為都中侯立廟 鍾山因改為蔣山已上潤州 扈瀆 鹽田 吳都記曰松江東瀉海口

名曰扈瀆輿地志曰扈業者濱海漁捕之名插竹列於海中以繩編之向岸張兩翼潮上即沒潮落即出魚隨

潮礙竹不得去名之曰扈又曰海瀆廣斥 鹽田相望吳煮海為鹽即鹽官縣境也 包山 于隧

玄中記曰吳西具區澤中有包山有洞庭室戰國策曰越王散卒三千擒夫差於于隧吳縣西北有地名于隧

是也 已 橫山 長瀆 左傳曰楚子重伐吳克鳩茲至于上蘓州 橫山注曰在烏程南橫古衡字通

用吳興記曰河口山 東濱大漢西帶長瀆 若下 嵎中 吳錄云長城若下酒

曰下若並有村村人取若下水以釀酒醇美勝雲陽吳興記曰風渚南三十里曰嵎中即嵎山也已上湖州

## 西部 東安

漢書曰錢塘西部都尉居之吳志曰黃武五年丹陽會稽吳都山寇攻沒諸縣乃分

三郡之要害地置東安郡居富春

## 樹呼龜

## 人化鶴

異苑曰孫權時獲一大龜持獻吳主

夜宿越里繫船於大桑樹樹呼龜曰元緒奚事爾耶龜曰行不擇日今方見烹雖然盡南山之柴不能濟我幽

明錄曰孫鍾以種瓜為業有二少年詣鍾乞瓜曰此山下善可作冢當為定墓鍾墮下山三十步二人悉化成

白鶴飛入空中即孫聖所葬地已上杭州

## 蒼蛟溪

## 白獺穴

孔氏志怪云義興有白額獸溪

渚長橋有蒼蛟并周處為三害周處風土記曰長橋下有白獺若將有兵獺出穴口四望而喙舊言有神橫

## 峴 長塘

風土記曰岬山多縱石而有長橫峴以承眾流輿地志曰洮湖即長塘湖已上常州慈

姥

舒姑

丹陽記曰江寧南有慈母山積石臨江生蕭管竹俗呼為鼓吹山江寧謂之慈姥山在當

塗縣北宣城記曰登蓋山百步有泉昔有舒氏女與父析薪於此山忽坐泉處牽挽不動父遽告家比來唯見

清泉湛然因名舒姑泉

鼇洲

牛渚

江記曰江中有鼇洲長三里與蕪湖洲相接續漢書曰秣

陵南有牛渚已上宣州

玉山

石蓋

赤璞注山海經曰玉山浙江水出其逸輿地志曰歙縣靈

山甚高峻有圓石高數丈上有石蓋

二磔

三姑

輿地志曰黟縣南有五眼二磔兩邊皆壇石中

央有溝裁五尺許水甚懸迅磔音歷眼下根反又曰黟縣東有靈山山有三峯名為三姑山三年一遇野火自

燒百姓放火輒降雨不燃已上歙州

賀齊城

嚴陵瀨

吳志曰吳大帝使賀齊擊黟歙山賊

定立新都郡輿地志曰邵城賀齊所創也東觀漢記曰嚴光字子陵耕於富春後人名其釣處為嚴陵瀨已上

睦州**銅釜**

**石甌**

巽苑曰吳時軍士五百人破湖得銅釜發之水便暴出即五百人湖也東陽記

曰崑崙山頂有一孤石可高三十丈其形似甌人謂之石甌已上婺州

**蓮鑊**

**梅池**

鄱陽記曰

弋陽嶺上多密巖宋元嘉中有人見其巖內三鐵鑊鑊各容百斛中生蓮花他日往尋不知所所在宋永初山川記

曰廣陵縣東有梅池

**夫岡**

**子石**

鄱陽記曰鄱陽西有望夫岡昔縣人陳明與梅氏為姻未成而

妖魅詐迎婦去明詣卜者決云西北行五十里求之明如言見一大穴深邃無底以繩懸入遂得其婦乃令婦

先出而明所將隣人秦文遂不取明其妻乃自誓執志登此岡首而望其夫因以名焉又曰九子石在弋陽水

左岸間相去數十步石形似印已上饒州

**石帆**

**玉笥**

會稽志曰射的北有石帆壁立臨水漫石

宜山遙望芄芄有似張帆鏡水又名玉笥山又曰石簣山

**銅溪**

輿地志曰山陰南湖縈帶郊郭

白水翠巖互相映發若鏡若圖故王逸少云山陰路上行如在鏡中遊會稽志曰昔歐治子澗若耶之溪而出

銅破赤堇之山而出錫已上越州 **丹洞** **赤城** 登真隱訣云赤城山下有丹洞在三十六洞天

數其山足丹名山略記云赤城山一名燒山東 **金庭** 帥司命君所居洞周回三百里上有玉清平天

**玉室** 道書曰天台山其上八重視之如一中有金庭不死之鄉許邁與王逸少書曰自山至臨海多有金

草已上台州 **東甌** **西隗** 漢書曰惠帝立閩君搖為東海王都甌永嘉記曰西

隗山東接安 **茅峴** **劍峯** 永嘉記曰塵嶼有盧隈又有茅峴去盧隈二十五里輿地

志曰接石山三石並高百丈杪如劍峯已上括州 **彭澤** **淺源** 漢書彭澤縣屬豫章郡彭蠡澤

在西尚書曰過九江至于敷淺源 **廬山** **盆水** 廬山記曰匡裕出於周威王時生而神靈隱淪



潛景廬于此山俗稱廬君故山取號焉潯陽記曰盆水出青盆山固以為名帶山雙流而右灌潯陽東北流入

江已上

銅精

劍窟

豫章記曰西山周回三百里此山時有夜光遠望如火氣輿地志曰

此為銅之精光也豫章記又曰豐城縣獄後有雷孔重掘神劍窟方七八丈

然石

熱泉

永

初山川記曰建城縣西有羊山有然石色黃白而理疎以水灌之便熱可煮物故謂之然石又曰皮縣有熱泉

如湯以生物投之頃

茨野

落亭

安城記曰昔豫章太守賈萌與安城侯張

普爭境戰于新茨之野即茲地也又安城記曰郡山都渚江川發源同會落亭石上有芝草下有紫磨金山都

木客

異物志曰廬陵大山之間有山都似人裸身見人便走自有男女可長四五尺能嘯相喚常在

幽昧之中似魑魅鬼物又曰廬陵有木客鳥大如鵲千百為羣不與眾鳥相厠云是木客所化已上吉州金

雞

石鴈

南康記曰雲都縣有金雞石傍有穴宋永初  
中見金雞棲翔此穴頗時飛鳴又云覆笥山

平湖中有石鴈浮在水每至  
炎氣代序則飛翔若知感候

松闕

梓潭

輿地志云歸  
美山有石城

高數丈有二石夾左右石形似松儼如雙闕南康記曰  
梓潭昔有梓樹巨圍葉廣丈餘垂柯數畝吳王伐樹作

船使童男女挽之船自飛下水男女皆溺  
死至今潭中時有歌唱之音已上虔州

甘渚

蜜巖

臨川記曰東興人家曾以木甑沈井中乃流出連樊溪  
甘渚得之此泉穴相通也又曰五章山絕巖嶮峭有蜜

蜂依之為房其形如笠望者  
皆懸磴數丈然後得至其所

石人

楓鬼  
臨川記曰盧  
谷東英巨山

巖內有石人坐磐石上體上塵穢則興風濕潤則致雨  
晴日便舉體鮮潔朗然玉淨又云麻姑山上人登之有

物人形眼鼻口面無臂脚俗  
名之楓子鬼也已上撫州

米砂

雪壁

安成記曰鍾  
山臨水阻峽

春夏則湍泚沸涌清上白沙如米兩岸各十餘斛呼曰米砂以之候歲若一岸偏饒則其方豐穰殷斌石室記

曰第三室高十丈餘者粗相似皆素壁若雪則萬象森羅

**宜春水**

**羅霄山**

吳錄曰宜春泉

水地道記曰宜春縣出美酒隨歲貢上安城記曰羅霄山有石井天旱祠之以木投井中即雨至井溢木出乃

雨止已

**鸚鵡洲**

**鳳關**

輿地志曰夏口江中有鸚鵡洲武昌記曰城東南角有岡名鳳關吳

時有鳳集之固以為名

**鄂渚**

**樊山**

離騷云乘鄂渚而反顧武昌記曰樊山之東有樊山已上

鄂州

**湘山**

**沅水**

史記曰秦始皇浮江至湘山水經注曰沅水注洞庭湖中方會於江也

**道**

**江門**

湘中記曰君山有地道郭璞江賦曰爰有包山洞庭巴陵地

之其上沅澧之交滿湘之源是在九江之門已上岳州

**楂渚**

**橘洲**

湘中記楂渚對岸古城孫

權造程普所立輿地志曰橘州在郡南對南津  
常看如下及至夏水懷山渚洲皆沒橘洲獨在

**羽瀨**

湘州記曰岳陽有昭潭其下無底湘水最深處又  
曰石子山西有小溪水石映澈名之羽瀨昔闕羽

南征頓此山下因**青壇****紫蓋**  
以為名已上潭州湘州記云祝融峯上有  
青五壇方五丈有蓋香

峯行道處異苑曰衡山有**寶洞****仙宮**  
峯名曰華蓋又一名紫蓋南岳記云衡山  
者太虛之寶洞

又曰流丹崖南五里得仙人宮道士休糧  
絕殺身輕清虛便得入此宮已上衡州**菁口****蘭巖**

湘州記云都溪又西北流入營水謂之菁口王韶之神  
墳記曰蘭品山其路危阻迥絕人迹登其山有石路松

林馬杳然便是**九疑山****五會水**  
雲霞中館宇矣山海經曰蒼梧之丘  
九疑之山舜所葬也

水經注曰都溪水出春陵縣左與五溪俱會縣有五  
山山有一溪五水會於縣門故云都溪已上永州**茹**

溪 澧浦

荆州記曰如溪源出姑龍山水極清激離騷云遠余珮兮澧浦

天帚

松梁

荆州圖副記曰天門角上石生倒垂下一竹拂謂之天帚吳錄曰松梁山山石間開處容數十丈其高以弩射

之不及其上

熱石

溫泉

輿地志曰臨武縣山有熱石置物其上立焦荆州記曰柳

縣溫泉下流有田資以溉灌常十二月下種至明年三月新穀便登仙人祠 義帝廟

志曰馬嶺山有仙人燕耽壇耽至孝一朝忽辭母曰受性應仙當違供養涕泗嗚咽百姓立壇祠之湘州記曰

郴縣南有義帝廟百姓祭之漢書曰龍池 鶴澤

項羽尊楚懷王以為義帝已上郴州龍池 鶴澤 謝承為武陵郡守時有黃龍見於郡東水中拜表上賀

因號龍池劉義慶世說曰晉羊祜鎮荆州於江陵澤中得鶴教其舞 鼎口 風門 沅川記曰沅川水名鼎口昔動以樂賓友 有神鼎出乎其間武陵記曰

風門山有石門去地百餘丈將欲風起此門  
隱隱有黑氣上須臾有黑風競起已上朗州葱嶺茗

山

沅川記曰沅川有孤山崑石崔嵬上有葱如人所種  
人時往取援輒斷絕請神而求不挽自出武陵記謂

之葱嶺荆州圖副曰茗山九  
嶺嶮峻木多杉松獸多熊豹龍門鹿穴  
永經注曰有

龍門荆州記曰宋元嘉初武漢蠻人射鹿逆入石穴纒  
容人蠻人入穴見其傍有梯因上梯豁然開朗桑果蔚

然行人翱翔亦不以怪此蠻於路斫樹  
為記其後茫茫無復髣髴已上辰州石牀雲水  
州湘

記曰文斤山上有石牀方高一丈四面綠竹扶疎常  
隨風委拂水經注曰卽陵東會雲泉已上卽州浪

水

舞溪

水經注曰浪水出武陵鍾城北界山谷荆州  
記謂之浪溪荆州記曰舞溪東流注沅西接

群荆已  
上巫州銅柱石門  
周地圖記曰江中有銅柱灘又曰  
均提東十三里至石門東有石鼓

清臺

神窟

史記曰陵邑寡婦清其先得丹穴家富不  
警清能守其業秦皇帝以為貞婦為築女

懷清臺益州記曰黃葛峽有相思崖  
芳泉周灌俗謂之神窟已上涪州

牂牁 桂浦

漢武帝平

南夷置牂牁郡又曰  
牂牁郡有桂浦關

天井

石關

華陽國志曰牂牁郡  
上當天井故多雨潦

又曰且蘭縣西南有地  
名石潼關已上牂州

箴 潤州箴

原缺 二字 洋洋潤州江川  
秀遠蔣廟鍾山

潞陵曲衍江寧之邑楚曰  
金陵吳晉梁宋六代都興

嶺南道第十一叙 嶺南道者禹貢揚州之南境其地皆

粵之分

地理志云今蒼梧蔚林合浦  
交趾九真日本南海皆粵分

自嶺而南至海盡

其地

廣州故南海郡秦末南  
海尉趙佗王有其地

事對蒲澗

蘭湖

南越志  
曰熙安

縣東北有昌蒲澗咸安中姚成甫嘗澗側遇一文夫曰此昌蒲安期先生所餌可以忘老又曰番禺北有芝蘭

湖並注

貪泉

湏水

晉中興書曰舊云往廣州飲貪泉失廉潔之性吳隱之為刺史自酌

貪泉飲之題石門為詩曰石門有貪泉一飲懷千金試使夷齊飲終當不易心漢書曰樓船將軍楊僕出潑章

下湏

二山 八桂

南越志曰番禺縣有番禺二山因以為名山海經曰桂林有八樹在番禺

東已上

潮穴 泉山

潮州記曰斯溪西通淮水其穴若井或枯涸彌年或一日十盈十竭

若潮水焉又曰泉山有峭壁高竦連阜迺屬石泉懸注瀑布飛流已上連州

錢石

玉山

湘州

記曰曲江縣東有錢石山其狀四方若臺榭其南有石三面壁峭其上有錢故謂之錢石又曰曲江縣東有玉

山卉木滋茂泉石澄澗相傳云昔有人采玉處

石臺

銀甕

始興記曰勞口東岸有石四方而高



可百餘仞其狀若臺又曰林水源出磐石上羅列十甕皆蓋以青盆中悉銀餅有人過之得開觀而不可取取輒失路迷悶欲死已上韶州

### 龍川牛嶺

漢書曰龍川縣屬南海郡南越志曰羅浮山有石淩

右帶牛嶺山左據龍尾已上循州

### 文貝

### 錦蛇

南越志曰潮陽南有小水注海濱帶層山其中

多文貝可以解毒輿地志曰龍溪謂之盤龍蛇青黑色赤帶錦文隨瀆漢水而入于海有毒傷人輒死已上潮

### 素女青牛

發蒙記曰侯官謝端曾於海中得一大螺中有美女云我天漢中白水素女天

矜卿貧令我為卿妻南越志綏安縣北有連山昔越王建德伐木為船其大千石以童男女三千人牽之既而

入船俱墜於潭時聞附船有唱喚督進之靈江神草

輿地志云從餘姚至海三十里過温麻江有一江名靈江道書云霍山上有神草三十四種已上泉州建

安將樂

吳志云永安三年以會稽南郡為建安郡吳錄云將樂縣屬建安郡已上建州

石室

嵩臺

南越志曰高安石室自生風峒南北二門狀若人功意者以為仙都又曰高要有竦石廣六十

餘丈高二百許仞土人謂之嵩臺已上端州

端石

岑珠

吳錄曰端溪有端山山有五色石石

上多香水南越志曰端溪俚人岑班入山遇一寶珠徑五寸取還夜光明照燭俚人甚懼以火燒之雖小損猶

照一室已上康州

香林

綸木

南越志曰盆元縣利山上多香林又曰威寧縣有穿州其上多

綸木似穀皮可以為綿已上岡州

蒼梧

班石

漢書曰蒼梧郡武帝元為六年開輿地志曰廣

信縣之壽鄉有孤巖巖有班石石皆五色已上梧州

圍洲

合浦

交州記曰合浦八十里有圍洲

周迴百里漢書曰合浦郡武帝元鼎六年開已上廉州

賀水

富川

湘州記曰臨水經臨賀縣

東又南至郡左合賀水漢書曰  
富川縣屬蒼梧郡已上賀州  
**二鼓**  
**三田**  
後漢周敞

為交趾刺史伐龍山木以為鼓以下分鼓給桂林郡上  
分鼓給交趾郡擊一鼓則二鼓皆鳴廣志曰南方地氣

暑熱一歲田三熟冬種春熟春  
種夏熟秋種冬熟已上交州  
**蘓嶠**  
**麻嶺**  
南越志曰寧浦郡東

南有蘓摩嶠屈瑯道地理記曰沙麻嶺在  
寧浦郡南郡即嶺之北垠已上橫州  
**樹止**  
**竹梁**  
邑林

記曰狼野人居無室依樹宿止南征八郡志曰糞冷縣  
有大竹數圓實中任屋梁柱覆用之則當瓦已上峯州

**蟻漆**  
**雞潮**  
吳錄云居風縣有蟻絮藤人視土中知有  
蟻因墾發以木皮插其上則蟻出緣而生

漆輿地志曰移風縣有潮雞鳴長且  
清如吹角每潮至則鳴一名林雞  
**石坻**  
**金屐**  
南越志曰

馬援鑿通九真山又積石為坻以遏海波由是不復過  
漲海又曰軍安縣女子趙姬嘗在山中聚結羣黨攻掠

郡縣著金箱齒履恒居  
象頭關戰已上愛州  
咸驩 都沃 漢書曰咸驩縣屬九真郡晉太康地

志都沃縣屬九  
德郡已上驩州  
極外 海中 交廣二州記曰珠崖在大海中南極之外吳時復置

太守住徐聞縣遙撫之漢書曰武帝立  
珠崖郡在南方大海中居廣袤千里  
巢居 椎紒 廣志

云珠崖人皆巢居珠崖傳曰男女皆  
椎紒或被髮徒跣音髻已上崖州  
儋耳 鏤頰 漢書曰武

帝元鼎六年定越以為儋耳郡張晏注曰儋耳鏤其頰  
及上連耳匡分為數支狀似雞腸繫下垂已上儋州

文魷 朱鼈 南越志曰海中有文魷鳥頭尾鳴似磬而  
生玉又曰海中多朱鼈狀如肺有四眼六

脚而  
吐珠 驃馬 水犀 南越志曰平定縣東巨海有驃馬似  
馬中尾一角又云平定縣巨海有水

犀似牛其出入有光  
水為之開已上高州  
箴揚雄 交州箴 交州荒裔水與天  
際越裳是南荒國

之外爰自開闢不衷不絆周公攝作白雉是獻昭王陵  
邊周室是亂越裳絕貢荆楚逆叛大漢受命中國兼  
航海之宇聖武是恢稍稍受羈遂臻黃支率來其犀  
航海三萬泉竭中虛池竭瀨乾牧臣司交敢告執憲



初學記卷八